

四庫全書

史部

# 欽定四庫全書

史部

欽定大清會典則例卷二百一

詳校官檢討臣劉 烜

編修臣程嘉謨覆勘

總校官原任中允臣王燕緒

校對官中書臣袁文邵

謄錄監生臣金三俊

欽定四庫全書

欽定大清會典則例卷一百一

樂部和聲署

鐃歌大樂章

大清朝第一

大清朝景運隆肇興俄朵奄有大東鵲銜果神

靈首出壹戎衣龍起雲從一解雷動奏膚功舉松

山拔杏山如捲秋蓬天開長白雲地蹙凌河凍

混車書山河一統聲靈四訖萬國來修貢

二皇解

宅中垂統瓜瓞嘽嘽聖繼聖功德兼隆昇平頌

怙冒如天恩澤濃

三解

人壽年豐時雍風動荷天

之寵慶宸遊六龍早駕一朵紅雲奉扈宸遊六  
師從幸萬里歡聲共

## 四時仗第二

御句芒春載陽震位峙東方順時令駕蒼龍驂

吉良見垂虹青萍漸芳行慶施惠恩波浩蕩

一解

御祝融晷正長南極星輝朗駕朱路萬騎騰驤

贊俊傑遂賢良

解二

蓐收節露華初降金風乍涼

兌列西方載白旗乘戎路移天仗萬寶告成一

人有慶天垂貺

解三

顓帝司方水泉始涸天際彩

虹藏乘元路駕鐵驪雲衢晃濔萬疊明霞奉太

陽四時節物邀歡賞

解四

皇謨聖德欽無兩舜日

光天壤花明彩仗齊雲暖龍旗颺際昌時咸翹

企仙輿降際昌時咸翹企仙輿降

承天眷第三

承天眷際風雲萬國車書奉一人衣冠快覩唐

虞盛九域抒丹悃殊荒重譯盡來庭和氣召嘉

禎一解稽古訓溯昌辰元首明哉勵股肱一心敬

怠丹書徹宵旰不遑寧日新又日憲湯銘翼翼

更欽欽二解端不為繁華麗錦繡春端不為玉樹

菁蔥太液澄喜今日調和玉燭烽煙靖不敢忘

百年有備軍容整那辭得陳師鞠旅擁旄旌皇

衷切憂盛更危明

三解

泰階奕奕璣衡正功業麟

兮炳千春清宴歌億載登豐慶喜金支紛旖旎  
蓬山境喜金支紛旖旎蓬山境

### 貢琛球第四

琛球輸貢外藩歸化隸版圖正朔咸尊奉樂浪

郡在海東安南國粵嶠關蟄叢日本國畏威震

悚琉球國奉朝請與內臣同

一解

萬邦虎拜咸修

貢千羽何須用東風入律吹千呂青雲涌海安

卷一百一  
澗更上獻河清頌海安澗更上獻河清頌

錦繡乾坤第五

錦繡乾坤佳麗御世立綱陳紀四朝輯瑞徵師  
濟盼皇畿雲開雉扇移黎民引領鑾輿至安堵  
邛邛颺酒旗恬熙御鑪中燬黷瑞煙霏恬熙御  
鑪中燬黷瑞煙霏解鸞聲嘒嘒來雲際九奏韶  
鈞沸觀光仰赤球扈從盈朱帟奉皇歡晝三接  
天顏喜奉皇歡晝三接天顏喜



中天盛世第六

中天盛世望安寧瑞麥嘉禾表歲成騶虞白象  
出郊垌共祝吾皇聖嵩嶽欣傳萬歲聲葱蘢佳  
氣滿都城萬里黃圖鞏帝京衣冠文物際時亨  
海隅寧謐無邊警巷舞衢歌樂太平喜今日金  
甌一統萬年清徧問閭採縵歌風絃誦興更郊  
原野蠶成繭柘陰輕解一時和歲稔調金鼎鳳宸  
花相映青疇麥兩岐黃隴禾同穎屬車臨喜萬

歲聲遙應屬車臨喜萬歲聲遙應

奉宸歡第七

奉宸歡天單厚風光輦路浮遐阡通陌都是黃  
雲覆羽蓋春旂煥燁似繡正田家作苦勸耕時  
休馳驟金鐙鞭敲豹尾懸車後藏富於民於民  
藏富

晴開五雲第八

晴開五雲移翠輦臣庶咸歡忭載見今載見懷

遠復懷遠聖人朝縵雲歌復旦

解

際中天一氣

鴻鈞轉習習和風扇龍津燕影低柳陌鶯聲囀  
望龍旌迢遞過晴嶽望龍旌迢遞過晴嶽

瑞雲籠第九

彩仗瑞雲籠度晴巒幾重金鑪高擁香煙浮動  
杳靄大夫松和鸞到處和鸞到處百靈從玉檢  
金泥編珠毓貺不數漢家封

駕六龍第十

駕六龍御翠華帝德光天下薄海內總一家四  
徼外正朔加者聲靈赫濯被四表暨荒遐

扈翠華第十一

扈翠華兮載馳御帝車兮載脂命風伯兮叱雲  
師灑道兮如絲清飈兮應時

四時念第十二

仲春時司馬教振旅喜韶和綠萋芳草滋平楚  
執鐃執鐸兼賁鼓盤旋處如組還如舞

一解念春

日萬景初榮  
牕況田家負耒牽牛方作苦解罝

去絡仍弛  
咎天心祐應節彌甘霽

解二

仲夏時司

馬教茆舍暢恢台  
鉅蘆茂草披平野名州名邑

驅征馬行圍罷落日征袍卸

解三

念夏日赤輪炎

似炙況我民體足  
霑塗泥沒踝櫛風沐雨無晨

夜休嚴駕沖默居臺榭

解四

仲秋時司馬教治兵

喜颯爽金風初勁  
角弓鳴載旂載旒子旌旌戢

軍營萬寶正秋成

解五

念秋日氣爽又風清況郊

原農事方終稼既成用遵周禮詰戎兵望龍旌

壺漿父老迎

六解

仲冬時司馬教大閱正平郊獸

肥草淺寒威冽建旗樹表疏行列多懽悅誰道

裘如鐵

七解

念冬日一陽初動脈況南郊陶匏明

水將誠潔草甲方萌芽未茁居金闕萬國來朝

謁

壯軍容第十三

壯軍容威四方礪戈矛森甲仗剖文犀七屬爛

如銀帶鮫函璀璨難名狀者的是金城保障

解一

有純鈎巨闕和盤郢魚腸更有湛盧紫電承影

含光又豪曹似水素質如霜賽莫邪干將

解二官

竒最精良象弭魚服竹箭弧桑更紅翎白鏃飲

羽危梁控弦徹札有猿臂軍中飛將

解三潤鈇鋒

鵬鷁初瑩鎔堇錫龍雀成雙文似靈龜象侔白

虎是靈寶亦曰含章比昆吾切玉百辟純鋼

解四

垂氏弦木檠弧斯紉冬幹春膠烏號繁弱明月

當弼朗九合既成二弓交張

五振金鐃鳴金鐃

畫角悠揚月明時風靜夜清吹還三唱踴躍軍

心壯似鳳鳴又如鶴唳更籌響刁斗傳千帳

六

表和門旌旆揚象七星建九旂置九章藉翡翠

鸞鳳煒煌曳招搖韜素錦黃龍太蘇在中央

七

鏤衢鞍翠羽蹙金梁珊瑚鞭瑪瑙勒靡麗非常

啟譁囂盛朝不尚但推轂求良將雲行雷動正

正堂堂



日初昇第十四

日初昇雲光曉旌旗暖龍鱗耀望雲山紫翠千  
重度耕隴桑麻隱約黎民歡樂道餘糧棲畝又

長嘉苗一解不讀書知忠孝作興息耕和鑿玉泉

流膏雨千塍晴雲飲炊煙萬竈黎民歡樂道餘

糧棲畝又長嘉苗二解景融怡風料峭太和會豐

年兆喻其饒士女媚依鐫斯趙曾孫迎勞黎民

歡樂道餘糧棲畝又長嘉苗三解食君恩深難報

願聖壽如山岳稼既同跂脚高眠戶不閉官清  
訟少黎民歡樂道餘糧棲畝又長嘉苗

四解翠華

臨霓旌導導平陸登山嶠但則見部屋衙茅一  
个个體溫腹飽不知不識日上眠方覺惟祝君  
王真有道厯恫瘝薄賦輕徭敷教澤愛親敬老  
黎民歡樂道餘糧棲畝又長嘉苗道餘糧棲畝  
又長嘉苗

嘉祥曲第十五

溯嘉祥華平朱草毓中唐龍圖授龜書畀擾澤

馬駕騰黃延喜玉從天貺屈軼草階前長

一睹解

榮光白麟赤雁與芝房游河渚赤文綠字舒蘭

葉五色成章仙萸葉葉滋春圃瑞羽鏘鏘鳴女

牀亦有祥麇一角和鳴鳳在高岡

二解

日重光戴

冠抱珥出扶桑月重輝星重潤玉繩轉南極熒

煌竹葦露甘如釀蒲葦風如秋爽

三解

舞鸞凰非

煙樓閣繡衣裳寶鼎見騶虞出浮沆瀣泛天漿

稽往牒探珊網陳瑞物難名狀

四解

唯我皇不矜

異物與殊祥闢四門明四目求俊乂顯賢良愛稼穡垂旒纁措吾民春臺上

練吉日第十六

練吉日兮選佳辰百僚具兮興衛陳屏翳弭節

兮玉宇無塵煌煌兮帝車奕奕兮天輪

一解命太

常兮奉牲用昭告兮百神潔粢盛兮肅明禋將

展軫兮效駕行下觀兮勤民

二解

甸師清畿兮綏

草如茵野廬掃路兮香霧承輪封人設板兮左

城右平掌舍具儀兮爰象太宸玉輦兮鏘鏘屬

車兮隱鱗

解三

扇微颺兮清憶扈細靄兮朱輪備

天官兮周衛盛輿服兮時巡虎賁兮肅肅徒旅

兮駢駢

解四

前驅兮按部後隊兮如鱗徵萬玉兮

警塗詔弭策兮八神

解五

軼浮景兮騰青霄駟蒼

螭兮駢絕塵陵高行兮崿嶷陟巒阜兮輪囷

解六

仰皇輿兮肅震岳獻圖兮川貢珍若湛露之晞

朝陽兮儼列宿之拱北辰

七解

蔭華蓋兮翊句陳

綃紉絳縹兮旛旒逡巡配帝居之元圃兮象太

乙之威神

八解

旖旎兮霓旌八方兮列陳表朱兮

離位植皂兮元冥飛縞兮象兌峙青兮直震

九解

流星旄電燭兮盼垓北以無垠九旂紛而揚旆

兮五輅委蛇以接軫盛天下之壯觀兮將豐鎬

之是遵頌高山之荒作兮仰一人之饗親

謁珠丘第十七

謁珠丘杳靄松楸展几筵敬仰先猷國家積累

惟忠厚篤公劉

解一

緬音容霜露春秋設綴衣大

貝天球愜聞僂見如親觀溯前庥

解二

奉犧尊旨

酒思柔覲羹牆蘋藻初羞萬方玉食尊親久無

湏效漢代衣冠月出游

解三

寢園展祀尊堂構文

謨武烈光前後蔥龍佳氣浮縹緲祥雲繡億萬

載升恆景福從天祐

解四

高山天作扶輿秀遼海

環其右鍾祥瑞氣蟠翊運靈光茂萬斯年永奠

定天同壽萬斯年永奠定天同壽

御黼座第十八

御黼座肅朝儀沛宮法駕陳元會雲深處天門

跌蕩太極崔巍

解一

九賓設彤闈啟扶桑初擁瞳

矐日傳臚句羣僚濟濟百辟師師盡呼嵩冠帶

委蛇

解二

獻琛球圖王會呼韓稽顙瞻雲日無中

外雕題鑿齒烏戈黃支慶躬逢盛世威儀

解三

中

天華闕浮佳氣締造經營萬載基世德念幽岐



天澤陳冠履看到處祥飈掩藹羽蓋葳蕤看到  
處祥飈掩藹羽蓋葳蕤

長白山第十九

長白山遠峙開原冠高峯峻極于天巉巖兮插  
漢千里兮嶺岿一解考山經曾傳不咸稽地志亦

號商堅唐名兮太白有潭兮在巔二解閨門潭萬

頃迴湍鼓天風激豔文瀾源深兮流廣三江兮

出焉

三解

鴨綠江流自山南混同江北海之源愛

濤兮東注萬折兮千盤四解醫巫閭縹緲雲端桃

花洞下有飛泉嚴冬兮不冰常燠兮無寒五解木

葉山石磴盤桓華表山鶴影踟躕乳峯兮懸溜

井冽兮寒泉六解石門谿屹立巖前儼雙扉雲壑

連綿迴合兮諸峯窈窕兮羣巒七解松花江波影

澄鮮北流兮並海西旋混同兮合流自古兮長

川八解遼河兮浮漚狂瀾遼澤兮泥淖蹢躅布土

兮為橋既成兮孔安九解飛瀑巖瀑布常懸翠雲

屏雲影連蜷聖水兮傾盆萬松兮晝寒

十平壤

城箕子名藩大寧城漢曰新安演範兮陳疇帶

礪兮河山

十一

鍾扶輿虎踞龍蟠植靈基天作

高山拱衛兮陪京永奠兮萬年

### 布爾湖第二十

布爾湖明如鏡庫里山秀列雲屏風來千頃碧

雨過數峰青萃扶輿淑氣是天地鍾靈

一有天

女兮降生池畔吞朱果兮玉質晶瑩珍符昭合

爰生聖

解二

神靈始生即能言睿知聰明不待學

徇齊敦敏至德莫能名

解三

日角珠庭稽古帝握

袞履已更龍顏戴干荷勝岐疑總天生

解四

當是

時厥有三姓角雌雄亂靡有定蠻觸互相爭

解五

汲清泉言至河濱見真人如日如雲稽首共來

迎

解六

覩堯眉衆姓咸驚是非常天不虛生葵藿

早輸誠

解七

念吾曹原非好爭今有主得荷生成

從此戢戎兵

解八

定三姓尊為貝勒似岐州虞芮

質成荒度始經營

九解

溯從來誕聖厥多瑞徵華

胥履跡青雲繞身樞星照野虹流太清瑤光貫  
月元鳥承罌載稽典籍辭難罄肆皇清至人首  
出乾坤篤生自羲昊軒農瑞籙祥經莫與京

建遼陽第二十一

建遼陽爰築崇墉矗金城兮萬雉控列辟兮朝

宗遠邇兮歸懷庶邦兮是同

一解

懾天威爭執鞭

弭歌孔邇願受忻懽興朝正朔咸尊奉遂荒大

東<sup>二</sup>有哈達首鼠兩端數渝盟自外陶鎔天兵

一舉咸驚悚似草從風

<sup>三</sup>解

有輝發反覆不常外

生成夜郎自雄六師迅發如雷動棄甲投弓

<sup>四</sup>解

有烏喇包藏禍心逞螳臂欲試車衝戈鋌一指

雕弧控似掃虬螭

<sup>五</sup>解

有葉赫憑陵負嵎似游鱗

翔洋金中狡焉潛結朝鮮衆朝夕羽書通

<sup>六</sup>解

有

朝鮮僻處海濱與葉赫狼狽交通蛩蛩甘草相

承奉結壘似屯蜂

<sup>七</sup>解

閔明季陽九方丁如懸磬

杼軸其空朝鮮葉赫相愚弄勢蹙不知窮

八解四

路兵犄角來侵無紀律誰適為雄一時烏合無

拳勇號令馬牛風

九解

五十萬封豕長蛇肆貪狼

非不恟恟只緣逐利非心奉臨事各西東

十解恣

侵陵師出無名我天朝用詰兵戎堂堂八陣天

威聳落葉掃秋風

十一解

壹戎衣為救黎元曾不

費蒿矢桃弓遼陽建後金湯鞏王業首岐豐

## 瀋陽城第二十二

瀋陽城王氣所鍾氤氲五采縹緲如龍信佳哉

鬱鬱蔥蔥

解一

析木津箕尾之東上連天弁右抱

神宮濟津梁霄漢垂虹

解二

近北極象逼穹窿元

菟置郡都護安東越金元頻建畿封

解三

我皇朝

氣運方隆此惟與宅用恢厥功相陰陽宅土之

中

解四

維廣寧屹屹崇墉石梯連磴香水春浴十

八盤萬樹青松

解五

若旅順臨海居衝番彝麇集

估舶雲從轉南漕天庾斯充

解六

取廣寧唇齒圻



封惟茲旅順亦是率從啟鴻圖駿烈豐功

左解

朝鮮右際雲中卜維洛食龜筮斯從叶天人是

為大同

八解

帶渾河滄海朝宗白山控峙石柱雲

封是神臯俗厚民豐

九解

遶西南遼水滌滌襟懷

東北黑水混同壯聲靈鎬京辟雍

十解

擴輿圖北

暨烏龍牧羝舊部使犬遺戎震天威罔不祇恭

十一解

念中原民力困窮殫輸將比屋皆空干戈

充斥民無控拯其塗炭出水火中會清明四海

來同

鐵嶺山第二十三

鐵嶺山峯似削燔白石不銷鑠遼陽之東鼓橐

籥解一繡嶺山萬花谷閒松塢連雲壑海城之南

氣磅礴上有三泉甘可酌解二平頂山雲漠漠車

曾駐盆可浴上有積水冬不涸解三木查嶺如劒

鐔峻而坦寬以博查水發源巖際落解四降龍山

神所託勢蜿蜒如拏攫風雨欲來光景鑠解五水

泉山滋乳酪清且美用烹淪萬斛珍珠瀉簾箔

六解

南雙山巨靈拓左陽峯右陰壑青天秀芙芙

蓉萼

七解

是諸山互聯絡忽低昂而峯巒羊腸宛

轉緣蜂閣鳥道窮今構略約

八解

聚蔥麥儼齧齧

嵌嶺峒邕寥廓蔽虧日月愁猱攫可喜可驚兼

可愕

九解

地呈符天開鑰孕靈秀阜飛攫巨木如

林纖草弱茂對乘時萬物育茂對乘時萬物育

### 孕嘉產第二十四

孕嘉產厥族滋蕃悉數之更僕為煩山經爾雅

空排纂畧疏梗槩用告司原

解一

有於菟蒼質元

斑吼腥風林葉摧殘霧中元豹尤唬悍異名同

族艾葉金錢

解二

熊似豕穴處空山善搏人春出

冬蟠罷文黃白仍修幹力能拔木不畏戈鋌

解三

有野馬形質輕獯走深山不服鞍韉日行五百

如奔電野騾似馬亦產遐邊

解四

扶輿鹿性喜林

泉麋無膽力心常戰惟麇惟麇類族殷繁

解五

狼

白頰前高後寬或蒼或黑皆膘健豺尤猛厲祭

獸秋原

六解

一封駝肉自為鞍頸修蹄曲耽芻藜

力能任重用濟軍饘

七解

狐性疑狸愛安眠毛深

溫厚為裘暖貉能求食富則資糶

八解

兔婆娑亦

稱比肩鼯鼯五技徒蒙訕鼠名艾虎亦屬彘彘

九解

貂似鼠其質麗然食松苗以栗為饘紫毫豐

毳服之孔安

十解

馬牛羊問巷喧闐白頭豕用給

盤餐居民比屋充常膳不須臚列以免辭煩

十一

解是熙朝茂育功宣致物產滋盛春田四靈為

畜麟游甸殊祥上瑞多載青編

毓靈禽第二十五

毓靈禽五色名翬虞人歲捕供時祀沙雞無趾

出青林亦貢丹墀一解有舒鳬洵腴且肥家鷺舒

鴈仍甘美青鷁次之信天緣鷁鷁之類二解鳴九

臯元裳羽衣鸛鳴於垤丹其喙禿鵝長頸在水

之湄剪霜翎用飾忘歸三解鵝在梁載詠風詩洵

河吸盡蹄涔水斑鳩性拙縮脖高飛並翱翔適

性忘機

解四

燕于飛下上差池善營巢秋去春歸

曙色纔分最好是數聲乾鵲檐頭報喜

解五

啄木

兒利口如錐蠹蟲穴樹藏身固緣木而求必得

之在衆禽中號為多智

解六

黑龍江爰有深池鴈

來初湛淡羽儀鷓鴣麋鵠羣游戲汎清波卯息

繁孳

解七

到春來田鼠為駕考之爾雅黃鸝是倉

庚鳴矣夏日遲遲柳音中好音流利

解八

遼河鷹

松兒朶兒海東青性尤猛驚天鷲褫魄狡兔何  
施虎斑鷗差可肩隨九解萃羽族深林茂枝飲與  
啄惟性所宜太和洋溢民物恬熙奏箭聲鸞鳳  
來儀

蕃珍樹第二十六

便蕃珍樹籠溪覆鴈爰有蕭艾香蒲春雨後叢  
生幽渚紅杏緋桃紅杏緋桃兔絲葶蘆連岡被  
楚藥籠儲馬蘭知時節紅藍茜不如一解松釵雙



股是爾雅篇中所著惟有神京秀鍾扶輿歲寒  
姿其針獨五八千歲為春八千歲為秋大椿齡  
綿綿萬古被光華含雲隱霧瑤光降斗樞三楹  
五葉滋靈草地產奇珍洩秘符地產奇珍洩秘  
符

建皇極第二十七

建皇極司徒度廣輪壯皇居太史陳圭臬端徑  
遂三塗達九達相陰陽百堵依繩尺

解南德盛

當陽離嚮明東撫近出震青陽關西懷遠金行

靖甲兵北福盛象緯通天闕

二解

前天佑高明法

健行後地載博厚符坤德左內治訏謨綏廟庭

右外攘聲教敷重譯

三解

表雙闕艱難念武功致

太平垂拱思文德崇政殿穹窿憲紫垣鳳凰樓

樸素無雕飾

四解

誅蕩蕩天門闕九重扇巍巍雲

際開金闕盛輿服衣冠拜冕旒肅威儀羽衛陳

刀戟

五解

夜漏盡猶傳衛士殮曉鐘鳴遽進鷄人

憤規久大朝廷多直言謀萬全殿陛無遺策

六解

援禮經郊壇建國南考彝章展敬陳蒼壁裡閔

宮春秋厯孝思重宗盟宗正司宗祏

七解

得天心

謳歌獄訟歸孚人意鎬洛聲靈赫定中原鴻圖

萬載基作陪京巡幸朝羣辟

### 鐸皇清第二十八

鐸皇清景命隆成天平地永宅中聖繼聖續豐

功制作定世符御天乘六龍

一解

樂昭德禮備容

覃敷聲教八方通道德一風俗同皇威馳海徼

仙仗過崆峒

二解

詠芹藻歌辟靡崇德詘惡發羣

矇蛾有術瞽有宗壽考而作人棫樸其芾芾

三解

嗟保介咨臣工犁雲耕雨勞厥功繪無逸圖幽

風率育配彼天倉箱裕我農

四解

種浴川桑戾風

褱衣東嚮明婦功肅壇墠比先農父老歡德化

耕桑帝所崇

五解

整屏翰化金墉得人則治簡帝

衷甘棠帝黍苗芾廢墜罔不修萬里咸提封

六解

闢三宅達四聰旁招俊乂秉至公露豹蔚雲龍

從曰舉爾所知名字書屏風

七解

省耕斂寬租庸

神倉百萬備荒凶胥保惠振貧窮暑雨與祁寒

咸化為春風

八解

畎澮濬軌涂通誕疏地脈浞與

砥水攸利年自逢浩浩乎恩波匪今頌屢豐

九解

什一稅維正供求民之莫飭司農免溝壑樂殮

饗損上以益下皇王儉德共

十解

海蕩蕩水朝宗

日東月西出其中旦復旦無終窮涵乾而納坤

何所不包容

十一解

幹璇璣走靈霍嘉生繁植蕭

艾空沛然雨薰兮風至誠契天心無為而允恭

十二解

稽典禮命秩宗釋回增美惇且庸筠其竹

心其松本天以殷地夙夜襄夔龍

十三解

由心生

與政通作樂崇德應八風舞蹲蹲鼓逢逢勸之

以九歌還相為其宮

十四解

師出律卒除戎包戈

衅甲百年中戒不虞慎厥終有嚴講武事大閱

張軍容

十五解

鶚食甚泮林中小人革面順以從

嘉肺間囹圄空訟庭有青草獄吏服儒風

十六  
解

蘭有秀桂有叢白駒空谷豈時雍無遺賢胥在

公天工人其代六合臻郅隆

十七  
解

屏藩寄磐石

宗本支百世五等榮式分玉匪剪桐天潢流且

長詎曰陝西東

十八  
解

繩祖武紹宗功於皇繼序

克履中震主器乾飛龍聖亶相承凝旒仰篤

恭

十九  
解

祥繞電瑞流虹於萬斯年聖緒洪麟振

姒乙造妣文子復文孫千億紀無窮

二十  
解

休滋

至昭有融樂胥受祐庀且鴻醴泉溢膏露濃升

階協貞吉萬物泰而通

二十解

時巡狩朝會同淑

旂綏章條革冲珪贄集鞮譯從聲靈振夷夏四

海仰皇躬

二十解

凜帝謂敷帝衷萬年遐福聿來

同周墮嶽漢呼嵩籙圖天不老治化日方中

二十

解樂九成歌三終一游一豫盛德同臣矢音賕

奏公時邁夏箛磬金石間笙鏞



饒歌清樂章

九龍旂第一

九龍旂旌旗列宿懸龍角天田見箕翼常舒展

龍尾更連蜷牽牛近帶房心建東壁耀星躔

解一

婉孌奎文麗日天階見參旗曳九旒玉井珠駢  
柳七星曲曲如鉤卷和門啟萬幕褰

邕皇威第二

邕皇威好山如障翠屏圍凝樹色煙成縷鎖嵐

光雲漸低回峻嶺絲韁徐按度崇岡玉勒輕提

龜背鎧滲金盈月明風曳素綃旗

解靖邊陲為

思將帥鼓征鼙嫻八陣齊九伐用三驅式九圍

撼山岳風雲動色固封疆鸛鶴爭奇驅騷裊跨

織驪日輪高擁杏黃旗

解二真鴻基百年不用是

王師在園囿麟和鳳貢琛球航與梯因農隙講

求獮狩際時和訓練熊羆獅蠻帶錦襴圍晴雲

不動絳紅旗

解三

太平時狼煙不設羽書稀四郊

外無烽壘四民中多壽耆  
粉榆社我田我稼羽  
林郎如虎如貌短後服  
曼胡垂遠山一抹蔚藍  
旗<sub>四</sub>綠陰中凱奏歌聲  
美蘆管清笳沸四海樂  
昌期萬國圖王會馬如  
龍迤邐車如水馬如龍  
迤邐車如水

整貌貅第三

整貌貅順天因地依山建壘  
制勝爭奇鄭鵠越  
鴈鶴鶴兼魚麗箕翼張舒  
常山形勢用神機太

乙陰符秘先天遁甲奇牝牡方圓縱橫斜銳變  
化從心起左鉤戈右雄戟朱矰丹羽去忘歸朝  
陽舒畫旗柳葉貼青驪車書萬里同文軌

河清海晏第四

河清海晏花村犬不喧講武訓戎旃幕府多雄  
健韜鈴有秘傳虎旅列戈鋌村炊藹暮煙鉦鼓  
競喧闐郊原自晏然轟雷掣電端的是有征無  
戰有征無戰

輦路平第五

輦路平錦隊開寶蓋懸日麗風和瑞氣鮮前旌  
載鳴鳶春旗曳柳煙遙聽處喚晴鳩啼杜鵑寶  
劍琱弓綰紛在後先氣雄邊花飄柳葉羈鞭敲  
錦連錢鉦鼓聲隊隊悠揚出遠天農夫自力田  
村童自笑喧望前驅早度夕陽川望前驅早度  
夕陽川

景清明第六

景清明萬景蘇雲物煥皇圖集禎符羽儀絡繹  
在春田駐羽儀絡繹在春田駐

聖武光昭第七

聖武兮光昭玉燭兮調秋彌冬狩建旌旄曳虹  
旂四方永定樂清朝瑠弧久已橐龍泉久已韜  
句陳翊衛天樞耀兩階干羽格有苗掃盡欃槍  
舞舜韶中天泰交文教敷敷文教

皇風泰第八

皇風泰景物妍元虬奕奕辰旒建靡畫旃行鑪  
靄細煙落花香印馬蹄圓落花香印馬蹄圓

慶雲呈第九

慶雲呈霞光絢晴鳥啼芳甸柳芊綿風來絮顏  
柔絲罥盛世多清晏頌堯年祝堯年

象天行第十

象天行玉輦金根扈宸遊萬騎雲屯角弓笳鼓  
聲相競羨車攻之子于征簡車從有聞無聲一  
解

際昇平清眎芳塋慶三農百室盈寧羽旗芝蓋  
參差映念民依還塵皇情樂清時盡戴皇仁

虹流華渚第十一

虹流華渚星輝電遶樞慶長庚燦爛祥雲汎濩  
輦皇圖永固非煙非霧非煙非霧東海扶桑日  
裏金烏蕭索輪囷樓臺殿宇天酒凝甘露煙雲  
杳靄中廣樂鈞天盡向風前度時清每賜酺民  
樂還蠲賦喜隨天仗蹌蹌濟濟幾多鵷鷺



皇都無外第十二

皇都無外更日月光輝一統車書祥麟在數鳳  
來儀貢筐篚玳瑁文犀聞說青雲千呂島嶼平

夷是中土聖主當陽喜輦下還將八景題

解一廬

溝月曉更西山雪霽瑞色熹微金臺夕照曳斜

暉太液池萬頃玻瓈還有居庸疊翠峻嶺崔巍

崔巍玉泉虹瓊島春雲薊門外空濛煙雨飛

夏諺歌第十三

夏諺歌聲遍九垓又見山重複水縈迴相風高  
指靜塵埃者的是萬國春臺歌元首明哉歌股  
肱良哉懋哉庶事康哉喜鑾輿到來喜鑾輿到  
來靡魚須桑麻罨靄度高原龍旂沛沛鬯宸襟  
週覽徘徊鬯宸襟週覽徘徊識民心愛戴民俗  
和諧華封人祝三多紅日近堯階從今後祝皇  
圖千秋萬載

芳塋曲第十四

看取芳塍錦甸長  
楸古道細柳清泉  
風來霹靂  
拓弓弦日華組甲  
飛晴練吟猿落鴈  
垂楊已穿  
紅陽紫燕蟻封  
又旋軍容煜燿如  
雷電一畋獵  
無非習戰車攻四  
牡王制三田五豝  
曾詠召南  
篇七騶用戒司徒  
演獸肥草淺龍旂  
有虔批頤  
扼額虎賁載旋駕  
言行符遵先典

渥洼曲第十五

渥洼中珠霧氤氲天  
產龍媒苑蓄祥麟  
命臧圉

辨其物色時其芻秣萬騎駢馳瞳夾鏡竹批耳  
峻權協月風入蹄輕綠虵衛轂紫燕駢衡騁長  
塗人馬相得如聖主之得賢臣

美留都第十六

美留都崇儉法陶唐大政當陽十署鴈分行諮  
諏政事肅官常飾槐檻無煩刻鏤列栴櫟無取  
焜煌珊瑚琳碧何似茅茨土墻符帝車太乙運  
中央紀元建號承天貺啟皇圖居尊馭極從民

望靈臺雲物紀嘉祥五緯麗文昌覃四國迄八  
荒瞻雲就日咸歸嚮詠德歌風壽且康解金墉  
屹立平原曠佳氣皇居壯天文屬尾箕地脈開  
蓬閭鬱蔥蔥與柱軸同輪廣鬱蔥蔥與柱軸同  
輪廣

溯興京第十七

溯興京實帝鄉艱難開創奠中原覆萬方太平  
休養水源本本繼序不忘我受命溥將率由舊

章勤祀典不愆不忘無怠無荒維新舊邦輯瑞  
玉載弁奉璋來享來王一輪紅日擁扶桑廣樂  
記鏗鏘歌燕鎬蒞明堂雲移北斗成天象酒近  
南山作壽觴西國迄八荒瞻雲就日咸歸嚮  
詠德歌風壽且康解周岐漢沛寧相讓綠水環  
青嶂龍興氣蜿蜒牛渡波濤漾觀天顏和日霽  
胥瞻仰觀天顏和日霽胥瞻仰

格皇天第十八

格皇天順民心聲靈赫濯雲霓望明丁百六餘  
分閏位穢濁天常肅天威一掃欃槍定兩翼列  
旌旗分八行黃白紅藍如砌錦東西相次自北  
而南如山嶽各為一行握竒經天元地黃四竒  
四正包羅造化洞陰陽風雲離合無恆象縱橫  
八卦變化無方握神機位在中央法河鼓先登  
上將左九星如珠斯貫右九星屈曲如匡中權  
玉斗安牙帳礪戈矛器甲精良勲臣功績在旂

常燮伐藉鷹揚廟算長軍容壯指揮大定牛辭  
早棧歸桃野馬脫金羈臥華陽鮮師貞協吉天  
成象聖武兵須講威加四海清恩逮千夫長看  
中林曷肅肅千城將看中林曷肅肅千城將

大凌河第十九

大凌河爽塏高明被春臯細草敷榮擢纖柯首  
宿秋來盛鮮溜春泉淙淙玉聲匯廣澤水淨沙  
明注遼河一派澄如鏡鮮曠平夷颯爽風清際



朱明暑退涼生謝炎囂飛蚊知避境

解三

宜畜牧

牡馬在坳甘水草虻蚋不驚歲蕃孳芻秣無違

性

解四

選龍媒矐米何精翻紫燕聳鬣長鳴或乘

流沚淺過沙汀

解五

志倣儻產自幽并控奚官首

絡黃金或輕猥萬里志長征

解六

或啼齟憑驕怒

生或偃臥豐草長林或就浴漱澣玻瓈淨

解七

或

繫樹身閒體輕或俯齟沙肥草馨或驚馳似畏

珊鞭影

解八

或舉足遲回未行或競步浮雲共征

或趁趨躑躅青莎徑

九解

或權奇高穎露晴或深

穩步遠視明或攜駒汗血天池孕

十解

喜昌時澤

馬効靈十二閑並毓房精駕鼓車遠方還納賚

十一解

萬年基海宇清寧阜飛黃鸞輅和鳴簡巡

遊不貴駒駖駿

### 狩于原第二十

狩于原素節商秋日華宣月金波山川如繡曳

明月靡魚須用三驅載馳載驟

一解

騶褭裊驂如舞

達衢去若流亭童羽葆遵靈囿月滿烏號勁沙

融露草桑

解二

師執提工執鼓夏苗迄春蒐穀麋

殯賢猛愁太白其左天狼右夙駕于原殲禽殪

獸

解三

言觀其旂參偃風旂言觀其馬乘翳玉虬

縱戟子希繼講獸驚人怒聲啾啾獵圍日落風

悠悠

解四

雨獸風禽貫脇搏喉目電閃腥雲浮濡

需一吹吹劍首序屬三秋嚴凝氣挾木葉山寒

翠幄稠

解五

孰矢箠之於維繁弱弓孰縻噉之於

維屈盧矛以作六師緊豈從禽謀亶帝德煥神

猷泰階奕奕綜乾紐

六解

紅雲隨過輦紫氣傍行

輶山似黛水如油清切鳴笳馬上謳伊州涼州

華鯨撞處靈蘂吼

七解

習五戎命七駟司徒措扑

施車寧揚清鞞著岑牟獸臣拜賀同于狩一歲

三田昭典禮幽歌狐貉為公裘

八解

雲峯繞宸幄

稠壹發五豝奉時辰牡獫獫俟俟如山阜面傷

禽不獻蹄擒迹斯求貴仁賤勇垂王猷

九解

馳深

鼓利櫟趨險驚飛輜塞蠟蛸城瑩篴既長既溥

肇公劉震赫萬國鞏千秋

十解

苞枿兌矣析木之

陬於穆原廟皇矣珠邱時祭涓孝饗對揚錫宏

休蒙芳還講武玉輅統貔貅

十一解

鳴綠之江綠

波流長白之山白雲浮于京斯宅東序陳天球

法駕蒞陪都巖喬颺道游湯網開三面騶虞化

可侔

十二解

丸丸百尺松鬱鬱千章楸蛟龍奚遁

藏豺兕供軀樓天閑上駟來廷廡來廷廡造父

執靶王良挾輶睥睨周朝八駿遊

十三解

溫都魯

憤溝婁量衡王度式膏澤帝功流永千禩光六

幽星分箕尾揭蚩尤靈威震疊兔置肅肅皆公

侯

十四解

午酉吉日諏金德常剛大火流王之士

盡好仇王之佐升大猷鳳儀廷兮麟在數獻之

天子萬邦其掾

日上扶桑第二十一

日上扶桑皇風邕日上扶桑皇風邕湛露藏金

莖仙掌聖天子正當陽丕顯丕承六合中恩膏  
廣舟車至盡來王舟車至盡來王觀一統太平

真有象

解

一葉車攻詠時昌一朵紅雲六龍降簇

千官鷺序萬隊鸛行爭戛擊鉦鐻丁東紛颿喬  
旌旗搖漾鴻龐兆姓天顏仰齊道是春臺上齊

道是春臺上

解

翳華芝排仙仗擁貔貅萬騎騰

驤輝煌從龍應列象紛囂塵環衛句陳隔御光  
紛囂塵環衛句陳隔御光皇威朗夏諺祝吾王

遊豫周官紀天子巡方

三

王路砥礪康莊除道

清塵坦而蕩似觀河刻玉比蹤陶唐敷教化帝

德郵傳奉琛贄臣心葵嚮鴻龐兆姓天顏仰齊

道是春臺上齊道是春臺上

四

調玉燭乾坤清

朗幸遭逢時巡狩恩施浩蕩波翻翠瀨灩皴銀

塘壓黃雲歲甦搖繡壤同歡慶豐年綏萬邦

五

屬車相望屬車相望選勝徜徉靈風薦爽引鸞

旗引鸞旗轉龍旂飄揚擁耆民歡心合掌天庥



和暢稽首頌九如章鞠膺晉萬年觴

六乍洽宸解

襟延睿賞喜遙臨玉輅翠幌喜遙臨玉輅翠幌  
康衢畔擊壤交賡唱聖壽無疆億年日矢橐弓  
報萬堯年鳳舞麟翔道敷天道哀時令典煌煌  
風行地策省方永懷柔時邁其邦省耕斂萬井  
蒙休養省耕斂萬井蒙休養猗歟慶熙朝奉聖  
皇七表裏山河鴻圖廣洵莫敢不來享條革和  
鸞旌旆央央化日高懸正舒長天可參地可兩

天可參地可兩

八解

合相輕漢武橫汾上示從禽

懲舍往旃以為轅蘭以為防飭司徒厲節軍實

壯不以火田不獻面傷駕龍文騰空曠

九解列斯

青廬還開玉帳秩山川同衡量沾錫賚咸粍暢

旌霓旃虹去奉皇歡休徵疊貺去奉皇歡休徵

疊貺

十解

紫瑞氣天和釀到處是上林春滿望花

傍輦若含嚙含嚙傾珠囊洗塵鞅奏韶韻典太

常霏霧雨卷靄鑪香真遍世界恩流德洋看雕

題漆齒咸稽顙懸知紹聖緒邁前王

十一  
解

昇平

宇宙年豐穰勤補助天工人亮遙聽萬呼萬歲  
長

九五飛龍第二十二

九五飛龍慶時乘九五飛龍九萬里錦江山歸  
大一統今皇紹聖緒克繒豐功望如雲望如雲  
就是日垂裳端拱寅亮天工寅亮天工盡梯航  
齊來朝貢

一解

萬象關鴻濛超軼姬風殷頌修文

偃武履帝位明日達聰卑唐跨宋億萬年大寶

金甌鞏紉縵縵沆瀣霏微豔晶晶旭日昭融

二解

閱五載禮成巡狩叶車攻閱五載禮成巡狩叶

車攻練時日鹵簿威威儀威威儀未央月曉度

疎鐘徐張雉扇慢啓銅龍紛雜沓千官前導鸞

旗聳師師濟濟萬靈呼擁奉皇歡五色雲車動

從于邁恩澤紀厖鴻從于邁恩澤紀厖鴻

三解

雍萬福聿來同侍臣珥筆從容昀昀禹甸幾多

甘雨和風天顏有喜煥宸章揮灑騰麟鳳若雲  
漢倬彼昭回墨寶千秋珍重四解或有時甘露珠  
垂或有時甘露珠垂或有時醴泉玉涌或有時  
澤出金車或有時山開山開得者銀甕惟至聖  
足有臨兮足有容誠不顯而篤恭上雲峯鸞輅  
輕移上雲峯鸞輅輕移凌日觀降鶴載詠五解香  
鑪傍日溫屬車瑞雲湧看野陌黍禾如梁積祝  
無疆躋堂幽人頌敷德化民風沕穆喜到處時

和也更年豐編氓遍沾膏雨聽歡呼自南自北

自西東

六解

規制度衡量同式震疊琛球貢率遐

邇北暨恒山率遐邇北暨恒山西至流沙南被

交邕典禮咸修棠華胥叶聲靈神悚信長此獻

嘉符振麟儀鳳

七解

百職猗歟式序百祿亶其式

總於繹哉永綏民於皇哉允執中時巡幸虎賁

扈從從律奏聲諧八風從丕冒率俾提封編氓

遍沾膏雨樂饗飧自春自夏自秋冬

八解

重熙累

洽如天永蕩蕩巍巍臻邳隆翠輦行來紫氣擁

聖德巍巍第二十三

聖德巍巍洽九天大啟文明會景福綿熙和民  
物更鮮妍麗紫垣策星夜動鸞旂發郊原一鮮河

清海晏王道正平平思文謨武烈丕承丕顯締

造巍然監於成憲其永無愆二萬方賓服仁風

扇義問昭宣雕題鑿齒重譯來朝獻東風便黃

支烏弋識時先更白狼元菟金馬朱鳶盡入版

輿遠

解三

聲教無邊互九垓控八埏陟堯封過禹

甸撫殷土歷周原漸被暨訖仰清光北斗高懸

解四

崆峒山色翠如煙訪道人非遠姑射有神仙

飲風吸露綽約嬋娟乘雲氣御青天有虞氏親

巡遍

解五

薰風拂五絃養恬樂利到處桑麻鷄犬

含哺鼓腹風光堪羨吉蠲採風問俗排法駕清

蹕稅桑田

解六

游河五老踰躔紫極光連袖裏圖

書一卷齊嚮丹陵獻八駿踏雲煙飛雷掣電黃



竹詩篇瑤池清讌

七解

稽古想前賢端垂玉冕屬

車香裏曉發衝開宿霧天霓旌卷蘭生殿佳氣

滿平川

八解

岱嶽齊天七十二君曾駐輦泰山梁

父云亭肅然崇封禪金泥印綠文玉檢留丹篆

九解

羽林周衛錦袍鮮萬騎趨趨隱見黃雲馬足

白日松顛蔥蒨葉三花石芝五色搖漾拂寒

煙

十解

虹旂彩仗五雲邊柳映旌門在鎬承周燕

鳴鸞章代旌蓋橫汾中流簫鼓振樓船

十一解

乘

乾位在德之元八卦陳九疇衍皇極居中建聖

帝明王一遊一豫芳躅古今傳

十二解

昇平無事

歲三田臨之王制考之風雅冬狩秋獮先期戒

事虞人掌焉後道遊前皮軒璧貫珠聯

十三解

訓

典昭然時巡是五年雲沙輦路草芊芊德音騰

赤縣驪龍作馬日月為旗霜原玉作田盤營風

軟鏡歌一闋霓舞大羅仙

蹀躞遊龍第二十四

蹀躞遊龍亭童羽葆蒞止青野翠郊看蕩漾朱  
旗金瑤五色瑞雲飄選吉日正麗景含韶好青  
春是朝廷有道好青春是朝廷有道飈輪電燭  
映星旄洽宸襟詩歌蓼蕭雲標寶翰摘天藻皇  
衢慶靄籠霄解恩威闔澤敷八表百昌萬類咸  
荷鈞陶西被東漸聲靈遠耀用觀民而設教元  
良頌凡有血氣者罔不孚尊親戴甘露降榮光  
繞五雲中盡瞻天認赭袍解長路波迴兮峯遶

航海梯山甌包茅烏弋黃支絕域齊來到荷天  
恩涵大造婆娑起舞歡欣醉飽古人重譯感天  
怙冒一游一豫民歡樂招音作徵與角君臣賡  
歌仰熙朝三騎竹童扶鳩老萬年清宴匝恩膏  
回輦深恩承細草

慶皇圖第二十五

慶皇圖肇域燕都重熙累洽聖化覃敷玉燭調  
金甌固巡方兮繼迹有虞一解聖人之生首出庶

物握乾符膺寶籙載歌天保何福不除升恒兮

日月居諸

二解

宏九有入三無患烝民膏澤涵濡

遷善不知衢歌巷舞嘉祥兮磅礴扶輿

三解

惟天

之瑞慶雲甘露日有重光星有連珠惟地之瑞

澤馬山車醴泉兮噴若醍醐

四解

惟草與芝或紫

或朱惟鳳與麟或七或五金船銀甕遊於王所

嵩高兮萬歲長呼

五解

於皇樂胥撫茲疆宇思武

之烈思文之謨念彼車攻載于石鼓吉日兮申

用三驅

六解

禮官整儀羽騎星敷有旗有旒有旻

有旗為龜為蛇為熊為虎振振兮匪疾匪徐

七解

習習祁祁和風甘雨稷翼翼忝與與屢惟豐年

食我農夫農夫兮瞻望來輿

八解

翠華斯舉香惹

御鑪白雲出封青雲千呂欒槍為闔明月為堵

塵清兮環衛周廬

九解

惟春有補惟秋有助所其

無逸以游以豫圭璧金錫思我皇度皇皇乎一

統車書

十解

相彼東山啓我土宇奄有四海績禹

舊服聖聖相承以篤清祜卜年兮無疆之祚十  
鮮鳳輦所經灤灤湛露五行式序庶草蕃廡帳  
殿從容鼓吹和愉虎拜兮箕疇斂福

萬國瞻天第二十六

萬國瞻天慶歲稔時昌燦祥雲舜日麗中央翕  
河喬嶽紀詩章附輿執靶標星象胥藝極復陳  
常正恩威克壯奉金根陟嚮奉金根陟嚮帝心  
昭格皇仁廣和鈴戛擊和鸞響德化風行草上

刑措兵銷績熙工亮

解

春省秋省軫吾皇軫吾

皇勾陳肅穆出瑤閭叢花練繞時和盎時和盎

閃龍旂淠淠揚揚閃龍旂淠淠揚揚羽林挾轂

驟雲驤式顙印玉琢金相

解

村村繪出昇平象

豐亨原野裕倉箱一自龍輿降九閭誅蕩仰龍

光風淳俗美泉水都廉讓都廉讓成功奏遐軌

邁陶唐

解

蒞春郊鳥啼花笑稅桑田晨正農祥

繁華觸處豔青陽省耕助洵匪居匪康

解

序入



朱明當盛長雨肥梅還釀清陰麥風涼商雲翔

眷言萬彙咸粍暢芰荷香帶御鑪香御鑪香聖

情悅豫堪延賞

五解

矚秋原秋氣爽導鑾輿黃菊

香初放躋公堂稱兕觥金風玉露葉滑裳萬壽

祝無疆

六解

乾亥風剛巽辰日朗禮垂冬狩排仙

仗時納慶歲迎祥時納慶歲迎祥沛殊恩沾浩

蕩玉輅聽鏘鏘酒醴笙簧飲堯尊歌舜壤

七解

以

豫以休引恬引養黃童白叟欣瞻仰聲教訖被

遐方聲教訖被遐方宜馨香紛肸蠭八駿盡調  
良雲錦鋪張統車書同衡量統車書同衡量  
宸遊睿藻來天上覃闔澤恩波演漾喜起遘明  
良雖啗相協響

昊天命第二十七

昊天有成命受此丕基武烈文謨式穀是貽亶  
亶我皇克纘鴻規敷天哀對罄無不宜解欽若  
昊天敷時繹思求民之莫夙夜其咨迄用康年

維星協畢與箕既富且穀迪彼秉彝聖敬日躋

帝命式於九圍

二解

憲憲令德抑抑令儀綱紀四

方涵泳聖涯率由前模惠澤勤施民之攸暨如

取如攜如塤如篪迪教不違皇帝聖神天錫英

姿聰聰視明法式生知并包蓄養解愠絃揮仁

滂施厚元氣淋漓千秋萬歲復覲如與姬

三解

百

姓昭明五典慎徽幹濯甄陶沁骨浹肌如彼田

矣亦既敷苗如彼室矣亦塗墍茨皇心統天品

物咸資維嘉維時樂矣魚麗

四解

翩翩之鴻言漸

于達皜皜之鷺言集于湄藹藹王多吉士赤芾

祁祁束脩其躬慎乃樞機左右天子盍簪勿疑

五解

隆然雙闕晏然三陸端拱明堂默運璿璣禮

陶樂淑俗易風移金儀測象玉律定時四野八

荒洵不遐遺淀有離隰有施對時育物萬邦是

綏省方設教用致雍熙無封靡于爾邦惟日孜

孜

六解

咨我三公及爾庶司豈敢怠安無平不陂

建國親侯王者無私卜云襲吉昆命元龜農事  
告成秋以為期倬彼雲漢奎畢并背揆文奮武  
營壘車騎象緯昭回聖人法之以補以助上繼  
姚姁億萬斯年壽考維祺整法駕揚華旗六軍  
雷動萬馬星飛白山嶢嶢綠水澌澌騶虞至鳳  
凰儀于疆于理王心則怡七解渺渺川原坦然逶  
迤遺秉滯穗如京如坻各峙乃粃以饗我師烏  
獸充牣碩大蕃滋莫不震疊永藉保釐七騶既

馭萬衆咸隨鉤鉤鼓鐸幡然旌麾逐獸追禽大  
戟長鉦為鏡為鐃載常載旂左律右鉞平於有  
司瞻彼翠華朱英蕤蕤星旗月鉞錦羈珠殘禮  
百神奠四維王用三驅勿競厥威我求懿德永  
王保之

八解

張皇六師如虎如羆天休震動周道

驅馳策勲在廟莫不寅威戢干韜矢說禮敦詩

天子是毗

九解

灼灼芙蓉花氎氎楊柳枝擅旒婀娜

娜畫龍與螭干盾騰拏逐豹與麋湛湛甘露酌

以玉卮陛下千萬歲撫御萬國歸銜羈

十王會解

有圖天葩芬奇交閭赤帝元繚碧基文蜃大蟬

孔鳥臯鷄踰冠尊耳露犬星施白鹿黃騏猷其

貌皮在彼澤宮壁水瀾瀾樹爾侯矣射熊與貍

槐宸高聳棘路朋烹鳴葭駐罕麗日和颺四牡

駉駉以車伾伾飲至言歸

十一解

驂四鸞駕六螭

彤雲分五老珠露浥三峴訪姑射拜希夷執衡

與規循理因資昭假遲遲恭已無為

十二解

誕敷

文德懷柔神祇天命靡諐念茲在茲周原稼穡  
小民之依蠲租賜復王言如絲裁成輔相於鑠

純禧首山之陽毋采爾薇商山之顔毋采爾芝

三老五更惠和宣慈有馮有翼爾性爾彌袒而

割牲謙謙是撫示我周行瑟鼓笙吹

十三  
解 真醴醴

恒山幽冀之治絳雲紫霞岐岐嶷嶷青書綠笈

神所護持包王孕帝駕軒鑠羲元泉神草瑞勒

豐碑爰命太常爰詔后夔式祀上帝饗以騂犧



獻琮璧奏咸池奎聯璧合星斗陸離洞簫玉琯


鳳羽麟差

十四解

中澤有葵南山有楸豈弟君子

佩玉履璫遭逢明盛文煥功巍三墳五典煌煌

麗辭願續雅頌永鎮厓厓



欽定大清會典則例卷一百一

# 欽定四庫全書

史部

欽定大清會典則例卷一百三

詳校官檢討臣劉炘

編修臣程嘉謨覆勘

總校官原任中允臣王燕緒

校對官中書臣袁文邵

謄錄監生臣康傑

欽定四庫全書

欽定大清會典則例卷一百二

兵部

武選清吏司

官制

一領侍衛府官制原定領侍衛內大臣六人內  
大臣六人一等侍衛六十人二等侍衛百五十  
人三等侍衛二百七十人藍翎侍衛九十人散

秩大臣奉

旨補授無定員○康熙三十七年設宗室侍衛無定員○又定以武進士之騎射優長人材強壯者擢授為侍衛分於三旗隨班行走無定員○雍正三年奉

旨藍翎侍衛內選材技優長者為四等侍衛○七年議準宗室侍衛共設九十人并入三旗隨班行走此內一等侍衛九人二等侍衛十有八人其餘

均為三等侍衛

一鑾儀衛官制順治年間定掌衛事內大臣一人鑾儀使滿二人漢二人冠軍使滿七人漢軍三人雲麾使滿二十人漢軍八人治儀正滿二十人漢軍二十二入整儀衛滿十有三人漢軍十有六人○康熙三十年裁漢鑾儀使一人

一驍騎營官制順治年間定都統滿洲蒙古漢軍八旗各一人副都統旗各二人驍騎叅領滿

洲漢軍旗各五人蒙古旗各二人佐領按壯丁多寡隨時編設無定員驍騎校每佐領下一人

親軍校滿洲蒙古上三旗四十五人

屬領侍衛內大臣管

轄

下五旗無定員

屬本王公府管轄

○雍正元年設副

驍騎叅領滿洲漢軍旗各五人蒙古旗各二人

○八年議準漢軍上三旗每旗各均為四十佐領下五旗每旗各均為三十佐領除八旗原有二百六十五佐領及二半箇佐領外增設佐領

三人並增足二半箇佐領為兩佐領共定為二百七十佐領再下五旗漢軍佐領除親王郡王所屬照舊分屬外其貝勒貝子公等既有府屬佐領則所屬之漢軍佐領悉歸入各旗作為公中佐領○滿洲蒙古佐領以見編設之數計之鑲黃旗滿洲八十五人蒙古二十八人正黃旗滿洲九十三人蒙古二十四人正白旗滿洲八十六人蒙古二十九人正紅旗滿洲七十四人



蒙古二十二人鑲白旗滿洲八十四人蒙古二十四人鑲紅旗滿洲八十六人蒙古二十二人正藍旗滿洲八十三人蒙古三十人鑲藍旗滿洲八十七人蒙古二十五人

一前鋒營官制順治初年定前鋒統領左右翼各一人八旗前鋒叅領旗各二人前鋒侍衛旗各二人前鋒校旗各十有二人均滿洲蒙古兼用○乾隆十七年奏準設前鋒校委署前鋒叅

領旗各一人

給與五品頂帶仍食前鋒校月餉

一護軍營官制順治年間定八旗護軍統領旗

各一人護軍叅領滿洲旗各十人蒙古四人護

軍校每佐領下一人○雍正元年設副護軍叅

領旗各十有四人○乾隆十七年奏準設護軍

校委署護軍叅領旗各七人

給與五品頂帶仍食護軍校月餉

一步軍營官制順治年間定提督九門步軍統

領一人步軍總尉二人八旗副尉二十四人步

軍校三百三十六人內九門每門城門尉城門  
校漢軍門千總各二人外七門每門城門尉城  
門校各一人漢軍門千總各二人○康熙三十  
年步軍統領兼管巡捕三營○三十四年步軍  
營設委署步軍校八旗滿洲各五人蒙古漢軍  
各二人捕盜步軍校四十人即於步軍校內遴  
選委用○乾隆十九年改步軍總尉為步軍翼  
尉副尉為協尉叅尉為副尉城門尉為城門領

城門校為城門吏

一火器營官制康熙三十年建設火器營

特簡大臣總理

雍正年間定為六人間以王公總理

設八旗烏槍護軍叅

領十有六人驍騎叅領滿洲旗各二人蒙古旗

各一人管礮散秩官九十六人護軍校一百十

有六人驍騎校五十二人均以八旗滿洲蒙古

官兼任○雍正三年奏準火器營烏槍護軍叅

領作為專設之官餘仍以滿洲蒙古兼任

一

圓明園官制雍正二年八旗設營總八人副護軍  
叅領十有六人署副叅領三十二人護軍校八  
十人以王公大臣二三人統轄之○七年設副  
護軍校七十二人○十年設護軍叅領八人增  
設護軍校三十二人副護軍校四十人○乾隆  
十二年增設護軍校副護軍校各十有六人  
一健銳營官制乾隆十四年議準演習雲梯兵

別立一營分為兩翼每翼設翼領一人八旗設  
前鋒叅領副前鋒叅領各一人前鋒校各五人  
一白塔信礮官制順治十年白塔礮臺設信礮  
官左右翼各二人○雍正二年白塔信礮改設  
總管一人司信礮官八旗各一人○乾隆八年  
奏準白塔信礮官令步軍統領管轄

一

南苑官制康熙二十四年奏準

南苑舊有五門今增四門合為九門大紅門設四品總尉一人餘八門設五品防禦各一人

一內府三旗官制原定內府三旗各設滿洲佐領三人內管領十人正黃旗設朝鮮佐領一人旗鼓佐領四人○順治十八年內府三旗滿洲佐領下各設護軍校二人旗鼓佐領內管領下各設護軍校一人○康熙十六年奏準內府三旗各編為五叅領每叅領設護軍叅領一人驍

騎叅領一人每佐領下設驍騎校一人○二十年奏準內府三旗護軍校內委署叅領五人護軍內委署護軍校五人○二十三年議準內府三旗各裁護軍校十有二人○三十四年奏準內府三旗增設滿洲佐領六人旗鼓佐領六人正黃旗朝鮮佐領一人每佐領下設驍騎校一人○四十三年奏準內府三旗每叅領各增設副叅領一人○雍正元年奉



旨內府三旗增設護軍統領各一人照八旗叅領品級  
定為三品○九年奏準內府三旗每旗各增設護軍

叅領二人侍衛委署叅領二人護軍校委署叅  
領五人再護軍內每旗各增設副護軍校五人

一

圓明園內府三旗官制雍正二年設

圓明園內府三旗護軍叅領三人副護軍叅領三  
人署副叅領三人護軍校九人○七年設副護

軍校三人○十年設營總一人

一王公所屬官制順治八年定親王各設長史  
一人散騎郎四人一等護衛六人二等護衛六  
人三等護衛八人四品典儀二人五品典儀二  
人六品典儀二人世子長史一人散騎郎三人  
一等護衛六人二等護衛五人三等護衛六人  
四品典儀一人五品典儀二人六品典儀二人  
郡王長史一人散騎郎三人一等護衛六人二

等護衛四人三等護衛五人五品典儀二人六品典儀二人長子長史一人散騎郎二人一等護衛二人二等護衛四人三等護衛六人五品典儀二人六品典儀一人貝勒司儀長一人二等護衛六人三等護衛四人五品典儀一人六品典儀一人貝子三等護衛六人六品典儀一人七品典儀二人公三等護衛四人七品典儀一人八品典儀二人王府護衛自二等以下均

帶藍翎○乾隆十九年奉

旨王公護衛典儀等官皆為從品

一五旗王公府屬官制順治年間定叅領旗各

五人佐領旗各七人驍騎校每佐領一人

皆從品

一守衛

陵寢官制天聰八年

永陵設燒造甄瓦散秩五品官一人○順治五年

福陵

昭陵設燒造甄瓦五品官各一人○康熙二年

永陵

福陵

昭陵

孝陵設總管各一人翼領各二人防禦各十有六人○

八年燒造甄瓦官改為司工匠升其秩為四品

○十九年

仁孝皇后陵寢陵

景設總管一人翼領二人防禦

十有六人○二十年

慧妃園寢設防禦八人○二十七年

暫安奉殿

西陵

昭

設防禦十有六人○五十七年

孝東陵設防禦十有六人○乾隆元年

泰陵設總管一人翼領二人防禦十有六人○二年

昭西陵

孝陵

孝東陵

景陵

泰陵各設驍騎校二人

景陵妃園寢設驍騎校一人○三年

泰陵妃園寢設防禦八人驍騎校一人○八年

景陵皇貴妃園寢設防禦四人驍騎校一人○九年

端慧皇太子園寢設防禦八人○十八年

孝賢皇后陵寢設總管一人翼領二人防禦十有六

人驍騎校二人

妃園寢設防禦八人驍騎校一人

一

畿輔八旗駐防官制順治二年昌平州固安縣采  
育里設防守尉各一人防禦各二人保定府設  
城守尉一人防禦驍騎校各四人張家口古北  
口獨石口設防禦各二人○五年滄州設城守  
尉一人防禦四人驍騎校四人○六年順義縣  
三河縣設防守尉各一人防禦各二人○八年



良鄉縣設防守尉一人防禦二人○康熙九年  
喜峯口設防禦二人冷口羅文峪設防禦各一  
人○十二年霸州玉田縣寶坻縣雄縣設防守  
尉各一人防禦各二人○二十二年張家口設  
總管一人增設防禦四人○二十三年喜峯口  
古北口獨石口增設防禦各二人冷口羅文峪  
增設防禦各一人○二十七年山海關設總管  
一人防禦八人○三十四年山海關增設驍騎

校八人三河縣玉田縣設驍騎校各二人永平  
府設防守尉一人防禦二人驍騎校二人○雍  
正元年鄭家莊設城守尉一人佐領防禦驍騎  
校各六人○四年天津設都統一人協領六人  
佐領防禦驍騎校各三十二人○六年東安縣  
設防守尉一人防禦二人古北口裁防禦二人  
設防守尉一人獨石口設防守尉一人移駐防  
禦二人於千家店喜峯口裁防禦二人設防守

尉一人冷口設防守尉一人○乾隆元年昌平  
州霸州良鄉縣順義縣固安縣東安縣寶坻縣  
雄縣采育里冷口羅文峪千家店各設驍騎校  
一人張家口古北口喜峯口獨石口各設驍騎  
校二人○五年古北口增設驍騎校二人羅文  
峪裁防禦一人增設驍騎校一人○八年天津  
設副都統一入冷口喜峯口增設驍騎校各二  
人山海關裁總管一人設副都統一入協領二

人佐領八人○九年張家口增設驍騎校一人  
○十八年張家口裁防禦三人增設驍騎校一  
人

一熱河駐防官制雍正二年設總管一人副管  
二人佐領驍騎校各十有六人○乾隆三年裁  
總管副管設副都統一人協領佐領各四人防  
禦二十人驍騎校四人

一

盛京等處駐防官制原定

盛京設將軍一人副都統二人協領八人佐領驍  
騎校各二十四人熊岳錦州各設城守尉一人  
佐領驍騎校各八人開原設防禦三人金州設  
佐領二人防禦一人鳳凰城設防禦三人廣寧  
設防禦二人牛莊設防禦三人蓋州設防禦三  
人九關臺設門尉一人白土廠設門尉一人○

康熙三年

盛京增設佐領驍騎校各八人○十三年

盛京增設佐領防禦驍騎校各八人廣寧增設防

禦一人○十四年以錦州佐領八人驍騎校八

人移駐小凌河寧遠中前所中後所每處佐領

驍騎校各二人義州設城守尉一人○十五年

盛京增設防禦十有六人松嶺新臺白石嘴清河

設防禦各一人九關臺裁門尉設防禦一人○

十八年

盛京增設佐領驍騎校各十有八人錦州復設佐領驍騎校各七人廣寧設佐領驍騎校各三人

○二十一年開原設佐領驍騎校各一人○二

十二年

盛京增設協領二人佐領十有一人防禦八人驍騎校十有一人○二十六年熊岳設防禦八人

興京設城守尉一人防禦驍騎校各四人開原設城守尉一人增設防禦四人驍騎校七人遼陽

設城守尉一人防禦八人驍騎校八人復州設  
城守尉一人防禦八人金州裁佐領二人設城  
守尉一人增設防禦七人鳳凰城設城守尉一  
人增設防禦五人驍騎校八人岫巖設城守尉  
一人防禦八人彰武臺設防禦一人○二十七  
年

盛京增設佐領二人驍騎校二人○二十八年熊  
岳增設驍騎校八人復州金州岫巖各設驍騎



校八人○二十九年以

盛京佐領八人驍騎校八人移駐錦州防禦四人  
移駐鐵嶺四人移駐撫順廣寧設協領一人巨  
流河白旗堡小黑山閭陽驛設佐領各二人驍  
騎校各二人○三十一年

盛京增設佐領驍騎校各三人熊岳設佐領一人  
增設驍騎校一人開原增設佐領驍騎校各一  
人遼陽設佐領一人增設驍騎校一人義州增

設佐領驍騎校各七人復州設佐領驍騎校各  
一人金州設佐領驍騎校各一人鳳凰城設佐  
領一人增設驍騎校一人岫巖設佐領一人增  
設驍騎校一人○三十二年義州增設佐領驍  
騎校各五人○三十三年發庫設防禦一人○  
五十年金州增設佐領驍騎校各三人○五十  
三年金州設水師協領一人佐領二人防禦四  
人驍騎校八人○雍正二年

盛京增設協領一人○五年以

盛京副都統一入移駐錦州設熊岳副都統一入

○乾隆元年廣寧增設驍騎校三人○五年改

熊岳錦州城守尉為協領○六年以

盛京防禦移駐梨樹溝明水塘白土廠各一人牛

莊蓋州各五人○十三年牛莊裁防禦四人設

協領一人驍騎校四人蓋州裁防禦四人設協

領一人驍騎校四人

一吉林

即吉林  
烏喇

等處駐防官制順治十年寧古

塔設將軍一人副都統一人佐領驍騎校各八

人○十二年寧古塔設防禦四人○十八年寧

古塔增設佐領防禦驍騎校各十人○康熙三

年寧古塔增設佐領驍騎校各一人○七年寧

古塔設協領二人○十年吉林設協領八人佐

領十有二人防禦八人驍騎校十有二人以寧

古塔佐領驍騎校各十有一人移駐吉林○十

三年吉林增設防禦十有五人四品五品管水  
手官各二人○十五年以寧古塔將軍移駐吉  
林設吉林副都統一人○十六年吉林增設佐  
領驍騎校各二十六人六品管水手官二人○  
十七年寧古塔增設佐領驍騎校各三人○二  
十年以吉林防禦移駐巴顏鄂佛落伊屯阿爾  
蘇額爾圖庫蘇巴爾罕各一人○二十九年吉  
林增設佐領驍騎校各七人防禦十有四人分

吉林佐領驍騎校各二十一人防禦十有三人  
及寧古塔佐領四人防禦一人驍騎校四人移  
駐黑龍江○三十一年吉林增設佐領驍騎校  
各六人設席伯佐領驍騎校各十有六人巴爾  
虎設佐領驍騎校各八人以吉林副都統移駐  
白都訥設防禦八人○三十八年吉林增設佐  
領驍騎校各一人以席伯佐領驍騎校各十有  
六人移至

京城○四十年白都訥設協領佐領驍騎校各二人○五十二年寧古塔增設佐領防禦驍騎校各三人白都訥增設佐領驍騎校各十人○五十三年三姓地方設協領二人佐領防禦驍騎校各四人渾春設協領一人佐領二人防禦二人驍騎校三人○雍正三年吉林設副都統一人拉林設協領一人佐領五人防禦二人驍騎校五人○四年改吉林巴爾虎一佐領為漢軍

佐領○六年以吉林佐領驍騎校各二人開原防禦二人驍騎校二人移駐伊屯○十年吉林設協領二人增設防禦八人佐領驍騎校各十人三姓地方設副都統一人增設防禦十有二人佐領驍騎校各十有六人拉林增設驍騎校各三人○十一年吉林設叅領一人增設佐領驍騎校各八人○乾隆三年吉林增設佐領防禦驍騎校各一人分駐額墨赫索羅○九年拉



林設副都統一人增設協領一人

一黑龍江

即薩哈連烏喇

等處駐防官制康熙二十三

年黑龍江設將軍一人副都統二人協領四人

佐領二十四人防禦八人驍騎校二十四人水

師總管一人四品管水手官四人五品管水手

官二人六品管水手官四人齊齊哈爾設協領

三人佐領驍騎校各十有六人默爾根城設協

領一人防禦八人索倫達虎里設總管一人副

管二人○二十七年齊齊哈爾設防禦八人默爾根城設佐領驍騎校各八人○二十八年齊齊哈爾增設佐領驍騎校各二人○二十九年以黑龍江將軍一人副都統一人移駐默爾根城增設佐領驍騎校各七人○三十年齊齊哈爾增設佐領驍騎校各十有六人○三十一年齊齊哈爾增設協領一人佐領驍騎校各二人黑龍江增設佐領驍騎校各二人○三十三年

齊齊哈爾設叅領一人增設佐領驍騎校各四人○三十四年齊齊哈爾增設協領四人○三十七年以默爾根城副都統移駐齊齊哈爾○三十八年以默爾根城將軍移駐齊齊哈爾○四十年默爾根城增設協領三人○四十九年默爾根城復設副都統一人○雍正五年默爾根城增設佐領驍騎校各二人○六年索倫達虎里增設總管二人副管十有四人設佐領九

十六人驍騎校九十六人○八年黑龍江水師  
增設四品五品六品管水手官各一人○十年  
呼倫布俞爾設總管四人副管四人佐領驍騎  
校各二十四人厄魯特設總管一人佐領驍騎  
校護軍校各二人○十二年呼倫布俞爾增設  
副管四人佐領驍騎校各二十四人呼蘭設城  
守尉一人副管二人佐領驍騎校各八人○乾  
隆八年呼倫布俞爾增設總管一人

一八旗游牧察哈爾駐防官制康熙十四年鑲  
黃旗設叅領三人佐領驍騎校各十有八人護  
軍校十有六人正黃旗設叅領三人佐領驍騎  
校各十有八人護軍校十有七人正白旗設叅  
領三人佐領驍騎校護軍校各十有七人正紅  
旗設叅領三人佐領驍騎校護軍校各十有二  
人鑲白旗設叅領三人佐領十有三人驍騎校  
十有三人護軍校十有三人鑲紅旗設叅領三

人佐領驍騎校護軍校各十有二人正藍旗設  
叅領三人佐領十有二人驍騎校十有二人護  
軍校十有二人鑲藍旗設叅領三人佐領驍騎  
校護軍校各十有二人○三十八年八旗察哈  
爾各裁叅領二人設總管一人副管一人

一各省駐防官制順治二年江南江寧府設將  
軍一人副都統二人協領八人佐領防禦驍騎  
校各四十人浙江杭州府設將軍一人副都統

四人協領十有二人叅領四人佐領二十四人  
防禦十有二人驍騎校三十二人陝西西安府  
設將軍一人協領四人廣東廣州府設將軍一  
人副都統二人協領叅領各八人防禦驍騎校  
各四十人○六年山西太原府設城守尉一人  
防禦驍騎校各四人○十一年山東德州設城  
守尉一人防禦驍騎校各四人○十五年西安  
府設佐領驍騎校各二十八人○十六年江南

鎮江府京口設鎮海將軍一人副都統二人協  
領叅領各八人防禦八十人驍騎校四十人○  
十八年西安府設副都統二人○康熙十年西  
安府設防禦十有三人○十三年杭州府增設  
防禦八人西安府增設佐領驍騎校各十有二  
人○十七年杭州府增設佐領防禦各八人驍  
騎校二十人○十九年福建福州府設將軍一  
人副都統一人協領叅領各四人防禦驍騎校



各二十人○二十二年京口裁防禦四十人西  
安府增設副都統二人協領十有二人佐領二  
十八人防禦八十四人驍騎校六十八人設叅  
領八人又以西安府佐領驍騎校各十有二人  
移駐湖廣荊州府設荊州府將軍一人副都統  
二人協領八人佐領防禦驍騎校各五十六人  
○三十年杭州府增設防禦八人○三十三年  
山西右衛設副都統二人協領十有二人佐領

防禦驍騎校各七十二人○三十七年右衛裁  
佐領防禦驍騎校各八人○五十七年河南開  
封府設城守尉一人佐領防禦驍騎校各八人  
○六十年四川成都府設副都統一人協領四  
人佐領防禦驍騎校各二十四人○雍正元年  
江寧府增設協領二人佐領防禦驍騎校各十  
有六人杭州府增設協領一人荊州府增設協  
領二人成都府增設協領一人○二年西安府

增設協領二人○三年陝西寧夏府設將軍一人副都統二人協領六人佐領二十四人防禦二十六人驍騎校二十四人○五年福州府增設副都統一人○七年以杭州副都統一人移駐乍浦立乍浦水師營設協領四人佐領十有二人防禦八人驍騎校十有六人立福州府水師營設協領一人佐領防禦各二人驍騎校六人立廣州府水師營設協領一人佐領防禦各

二人驍騎校六人○九年乍浦水師營增設協領一人○十年杭州府增設防禦四人山東青州府設將軍一人副都統一人協領四人佐領防禦驍騎校各十有六人○乾隆二年陝西涼州府設將軍一人副都統一人協領六人佐領防禦驍騎校各二十四人步軍尉四人莊浪設副都統一人協領三人佐領防禦驍騎校各十有二人步軍尉二人山西綏遠城設建威將軍

一人副都統二人協領十有二人佐領防禦驍  
騎校各三十五人○三年河南開封府增設佐  
領防禦驍騎校各二人○六年以右衛佐領防  
禦驍騎校各五人移駐綏遠城○十二年綏遠  
城裁協領二人佐領防禦驍騎校各八人○十  
四年右衛裁佐領防禦驍騎校各七人○十六  
年杭州府裁副都統一人○十九年議準福建  
福州駐防漢軍改駐八旗滿洲每旗設協領一

人佐領二人防禦一人驍騎校二人均於在京  
八旗見任佐領以下各官及世爵內簡選引

見發往其原設之漢軍各官俟滿洲官到任交代後  
送部分別去留○二十一年議準廣州駐防原  
設八旗漢軍今改為八旗滿洲八旗漢軍設滿  
洲協領四人佐領八人防禦驍騎校各十有六  
人漢軍協領四人佐領八人防禦驍騎校各十  
有六人廣州水師營設滿洲協領一人佐領防

禦各一人驍騎校三人漢軍佐領防禦各一人  
驍騎校三人○又議準增設巴里坤駐防都統  
一人副都統二人協領八人佐領二十四人防  
禦二十四人驍騎校二十四人○二十二年奉  
旨鎮守京口將軍距江寧不過百餘里較之乍浦之  
與杭州其路更近乍浦既屬杭州將軍統轄京口  
應照此例亦不必另設將軍歸於江寧將軍統轄  
為是其副都統二員專駐鎮江辦理旗務江寧將

軍間月一次至京口察閱營伍考驗官兵所有照常辦理諸事副都統就近管理其應行會同將軍者仍會同辦理

一直省綠旗營衛官制順治年間定左都督右都督正一品都督同知署都督同知從一品都督僉事署都督事正二品副將署副將從二品叅將署叅將正三品游擊署游擊都司署都司從三品守備署守備正四品守禦所千總從四



品營千總正六品把總正七品○康熙三十四年題準都司署都司改為正四品守備署守備改為正五品守禦所千總改為從五品衛千總改為正六品營千總改為從六品○雍正十三年奏準門千總定為從六品○乾隆十八年議準副將以下等官向來有一定品級惟提督總兵官或加都督及都督同知僉事副將等銜並無一定品級今加銜既已刪除將提督定為從

一品總兵官定為正二品

欽定大清會典則例卷一百二

欽定四庫全書

欽定大清會典則例卷一百三

兵部

武選清吏司

職制一

一八旗武職順治初年定上三旗四品以上官  
都統等擬正陪具題補授五品以下官擬正陪  
咨部具題補授其前鋒叅領護軍叅領前鋒侍

衛親軍校前鋒校護軍校等由該管官具題補授咨部注冊下五旗五品以上官該旗簡選擬定正陪咨部具題補授至上三旗驍騎校以下五旗六品以下官及王公護衛均照咨補授槩不具題○康熙十八年奉

旨王等護衛王府佐領均咨部具題引見補授六品以下仍照咨補授○三十三年奉

旨八旗四品以上官皆朕親驗補授兵部不必逐案具

奏著於每月三十日彙題○三十九年議準各旗補授外省駐防官並步軍校等將補授之處咨部月終彙題○雍正二年議準各省駐防佐領令本處協領兼管者由各該將軍都統副都統聲明具題毋庸送部引

見○乾隆七年奏準在京都統各統領駐防將軍都統副都統均由部開列具題補授

陵寢總管異領信礮總管河南鄭家莊二處城守尉黑

龍江吉林管水手官由部引

見補授在京驍騎叅領以下官駐防協領以下官由

各旗引

見補授前鋒叅領以下官由前鋒統領引

見補授護軍叅領以下官由該旗護軍統領會本翼

護軍統領簡選引

見補授凡補授五品以上者咨部月終彙題六品以下者咨部注冊其駐防領催題補驍騎校附入

月終彙題○二十年奉

旨各省城守尉協領及各地方總管等官應各該旗  
簡選補授者由本旗引見如繫八旗公額由兵部  
簡選引見辦理殊未畫一從前未設直年旗所有  
公額簡選旗員兵部引見猶可今既定有直年旗  
辦理八旗事務則此等公中簡選之旗員理應直  
年旗引見嗣後應各該旗簡選補授者仍著本旗  
引見其公中簡選者著直年旗引見兵部引見之



處停止欽此○二十一年奉

旨直省記名領催人等皆繫補授驍騎校引見時記  
名之人理宜闕出即行坐補若每次皆經奏明始  
行坐補轉致紛繁嗣後似此記名之人著該將軍  
等酌量闕出即行坐補著於歲底將坐補幾人彙  
報該旗轉奏

一補授掌鑾儀衛事內大臣順治初年定掌衛  
事內大臣員闕由領侍衛內大臣將應補領侍

衛內大臣內大臣職名開列送部由部具疏題

請餘官見  
鑒儀衛

一補授都統順治初年定滿洲都統員闕將蒙古都統前鋒護軍各統領滿洲蒙古副都統及外省將軍副都統並子爵以上官開列題補蒙古都統員闕將前鋒護軍各統領滿洲蒙古副都統及外省將軍副都統並子爵以上官開列題補漢軍都統員闕將漢軍副都統漢軍外任

提督及外省副都統並子爵以上官開列題補  
○康熙二十三年題準滿洲都統員闕將滿洲  
任漢軍都統副都統一并開列漢軍都統員闕  
將本旗前鋒護軍各統領滿洲蒙古副都統一  
并開列○雍正十年議準八旗都統員闕不必  
越翼在本翼內不論旗分互相調補其左翼人  
見任右翼右翼人現任左翼者遇有本翼員闕  
將旗分注明題請調補○乾隆七年奏準滿洲

都統員闕將本翼蒙古都統蒙古任漢軍都統  
前鋒護軍步軍各統領滿洲蒙古副都統滿洲  
任漢軍副都統外省滿洲將軍都統副都統滿  
洲外任提督及由京官授歸化城都統副都統  
開列題補蒙古都統員闕將本翼前鋒護軍步  
軍各統領滿洲蒙古副都統滿洲任漢軍副都  
統外省滿洲將軍都統副都統滿洲外任提督  
及由京官授歸化城都統副都統開列題補漢

軍都統員闕將本翼前鋒護軍步軍各統領滿洲蒙古漢軍副都統外省漢軍副都統漢軍外任提督開列題補其子爵以上官停其開列○

二十年奉

旨蒙古任漢軍副都統駐防蒙古將軍都統副都統蒙古外任提督遇滿洲都統闕一例開列

一補授副都統順治初年定滿洲副都統員闕將蒙古副都統及王府長史前鋒護軍各叅領

論俸開列十人題補蒙古副都統員闕將王府  
長史前鋒護軍各叅領論俸開列十人題補漢  
軍副都統員闕將叅領及漢軍外任總兵官並  
男爵以上官開列題補○康熙十二年題準蒙  
古副都統員闕將王府長史前鋒護軍各叅領  
論俸開列八人驍騎叅領論俸開列二人及男  
爵以上官一并開列○二十二年奉

旨滿洲蒙古漢軍副都統員闕將本旗侍郎一并開列

○二十三年奉

旨滿洲副都統員闕將應升蒙古副都統之人一并開  
列○又議準漢軍副都統員闕將滿洲王府長史前  
鋒護軍驍騎各叅領論俸開列八人漢軍叅領  
論俸開列二人及外省總兵官一并開列○二  
十五年議準應升副都統之前鋒護軍叅領如  
原由驍騎叅領補授者開列時止論見俸不準  
通理前俸其王府長史由叅領補授者亦照此

例○雍正十年奏準副都統員闕如本翼見有署理副都統之人將其職名開列於前其應升各官仍照例開列○又議準八旗副都統員闕不必越翼在本翼內不論旗分互相調補其左翼人見任右翼右翼人見任左翼者遇有本翼員闕將旗分注明題請調補○十二年奉

旨滿洲副都統員闕將應升漢軍副都統之漢軍叅領一并開列○乾隆三年題準蒙古副都統員闕將游



牧總管論俸開列如由叅領補授者并論前俸  
由別途補授者止論總管俸○七年奏準滿洲  
副都統員闕將本翼蒙古副都統滿洲任漢軍  
副都統開列題補並將本翼滿侍郎按旗開列  
本翼蒙古侍郎亦按旗開列本翼步軍翼尉叅  
領等官每旗開列十人內先將步軍翼尉前鋒  
統領之協理事務前鋒叅領護軍統領之協理  
事務護軍叅領滿洲蒙古都統印房協理事務

驍騎叅領不論俸通行開列次將王府長史前  
鋒護軍驍騎各叅領游牧總管論俸開列各足  
每旗十人之數滿洲外任總兵官者按旗開列  
於後如開列滿洲副都統遇有滿洲任漢軍副  
都統職名即將應升漢軍副都統之本翼漢軍  
侍郎按旗開列本翼漢軍叅領每旗開列二人  
內先列都統印房協理事務叅領一人次列俸  
深之叅領一人再將本翼滿洲蒙古散秩大臣

公侯伯子男冠軍使一等侍衛王府長史一等  
護衛前鋒護軍驍騎各叅領內府護軍統領別  
列名單附疏以進蒙古副都統員闕將本翼蒙  
古侍郎按旗開列本翼步軍翼尉叅領等官每  
旗開列十人內先將步軍翼尉前鋒統領之協  
理事務前鋒叅領護軍統領之協理事務護軍  
叅領滿洲蒙古都統印房協理事務驍騎叅領  
不論俸通行開列次將王府長史前鋒護軍驍

騎各叅領游牧總管論俸開列各足每旗十人之數其滿洲外任總兵官者按旗開列於後再將本翼滿洲蒙古散秩大臣公侯伯子男冠軍使一等侍衛王府長史一等護衛前鋒護軍驍騎各叅領內府護軍統領別列名單附疏以進漢軍副都統員闕將本翼漢軍侍郎按旗開列本翼步軍翼尉叅領等官每旗開列十人內先將步軍翼尉前鋒統領之協理事務前鋒叅領

護軍統領之協理事務護軍叅領滿洲漢軍都  
統印房協理事務驍騎叅領不論俸通行開列  
次將王府長史前鋒護軍各叅領滿洲漢軍驍  
騎叅領論俸開列各足每旗十人之數并將外  
省總兵官通行開列於後再將本翼滿洲漢軍  
散秩大臣公侯伯子男冠軍使一等待衛王府  
長史一等護衛前鋒護軍驍騎各叅領內府護  
軍統領別列名單附疏以進○十年奉

旨副都統補授侍郎者或準兼副都統不準兼副都  
統該部請旨○十一年議準開列副都統員闕將  
滿洲火器營協理事務烏槍護軍叅領列名於  
協理事務前鋒叅領之後協理事務烏槍驍騎  
叅領列名於協理事務護軍叅領之後○十五  
年議準

圓明園營總及護軍叅領

靜宜園健銳營翼領及前鋒叅領遇有副都統員

闕與八旗叅領一例論俸開列其營總列名於  
本旗協理事務護軍叅領之次護軍叅領與本  
旗應升之人論俸開列翼領列名於火器營協  
理事務鳥槍護軍叅領之後

圓明園協理事務營總之前前鋒叅領與各叅領  
論俸開列○又奏準嚮導總統之協理事務叅  
領遇有副都統員闕與前鋒統領護軍統領之  
協理事務叅領一同開列○十六年奏準開列

副都統員闕將

圓明園協理事務營總列於各營總之前協理事務護軍叅領列於各營總之後○二十年奉

旨蒙古見任漢軍副都統蒙古外任總兵官遇滿洲副都統闕一例開列

一補授統領順治初年定前鋒統領員闕將滿洲蒙古副都統及前鋒護軍各叅領開列題補護軍統領員闕將滿洲蒙古副都統及王府長



史前鋒護軍各叅領開列題補○康熙二十三年議準前鋒統領員闕本翼護軍統領一并開列護軍統領員闕滿洲任漢軍副都統者一并開列步軍統領員闕將八旗驍騎叅領步軍總尉論俸開列十人題補○乾隆七年議準前鋒統領員闕將本翼護軍統領滿洲蒙古副都統滿洲任漢軍副都統開列題補護軍統領員闕將本翼滿洲蒙古副都統滿洲任漢軍副都統

開列於前叅領各官論俸開列十人內先將前  
鋒統領之協理事務前鋒叅領護軍統領之協  
理事務護軍叅領不論俸通行開列次將由前  
鋒護軍叅領補授之王府長史及前鋒護軍各  
叅領等論俸開列共足十人之數步軍統領員  
闕將滿洲蒙古副都統滿洲任漢軍副都統步  
軍總尉開列題補

一補授駐防將軍順治年間定駐防滿洲將軍

員闕將八旗滿洲蒙古副都統及本駐防副都  
統開列題補漢軍將軍員闕將八旗漢軍都統  
開列題補○康熙十二年題準駐防漢軍將軍  
員闕將內外漢軍副都統及漢軍任提督者論  
俸開列十人題補○二十三年議準滿洲將軍  
員闕將滿洲任漢軍副都統者一并開列○乾  
隆七年奏準滿洲將軍員闕將滿洲任提督者  
一并開列

一補授駐防天津都統乾隆二年題準天津都  
統員闕將前鋒護軍各統領滿洲蒙古副都統  
滿洲任漢軍副都統開列題補○七年奏準天  
津都統員闕將滿洲任提督者一并開列

一補授駐防副都統順治初年定駐防滿洲副  
都統員闕將滿洲驍騎叅領本處協領各城守  
尉開列題補駐防漢軍副都統員闕將漢軍叅  
領駐防漢軍協領按翼論俸開列十人並將外

省總兵官一并開列○乾隆五年議準駐防滿洲副都統員闕將在京記名叅領等官各按本翼開列十人如八旗公額每翼開列十人均附疏以進○又議準駐防滿洲蒙古協領引

見記名者遇有駐防滿洲副都統員闕除將俸深應升之人照例開列外其記名協領別列名單附疏以進○七年議準駐防滿洲副都統員闕將各處三品總管並滿洲任總兵者一并論俸開

列○八年議準駐防漢軍協領引

見記名者遇駐防漢軍副都統員闕別列名單附疏  
以進黑龍江水師營漢軍總管與各省協領品  
級相同準照協領之例論俸開列○十年奏準  
駐防副都統員闕將八旗見任副都統按翼開  
列附疏以進恭候調補

一補授右衛副都統康熙四十八年議準右衛  
副都統員闕將在京副都統按翼開列題補○

乾隆五年奏準右衛副都統印由部將右衛副都統開列具題請

簡一人掌管

一補授歸化城副都統原定歸化城都統員闕由理藩院開列題補其副都統員闕由部將上三旗滿洲前鋒叅領護軍叅領驍騎叅領開列題補

一補授火器營總統康熙三十年議準火器營

總統員闕將領侍衛內大臣前鋒統領護軍統領滿洲蒙古都統副都統滿洲蒙古任漢軍都統副都統開列題請兼管

一補授嚮導總統原定嚮導總統員闕將前鋒統領護軍統領滿洲蒙古副都統滿洲任漢軍副都統開列奏補

一稽察營房乾隆七年奏準城外營房將本翼都統副都統開列具奏請



簡一人管理稽察○十一年奉

旨八旗舊營房每旗各除大臣一人總轄官兵居住  
房屋毋致任意損壞著交部照管轄新營房之例  
將八旗大臣等職名進呈○二十二年遵

旨議奏八旗滿洲蒙古舊營房居住之兵丁人數衆  
多稽察難周應於滿洲蒙古旗內各

簡大臣一人管理又於滿洲蒙古前鋒護軍驍騎各  
叅領內簡選二人擬正陪引

見授為營總專司約束再每營見設滿洲旗分散秩  
官一人驍騎校五人請增設蒙古驍騎校二人  
驍騎五人合計每叅領下驍騎校各一人驍騎  
各五人增設散秩官一人每營各設散秩官二  
人即令散秩官驍騎校稽察營房兵丁如有不  
守本分滋事擾累者即報該營總察繫輕罪鞭  
責示懲重罪按律究治其散秩官以下如於三  
年之內實心稽察並無叅罰事故者準其各紀

錄一次六年無事故者咨送該旗於應升內列  
名若稽察不嚴以致兵丁生事為匪及隱匿不  
報者分別議處如見在營房居住兵丁內有不  
守本分者即行察出送回該旗所遺房屋別選  
誠實兵丁居住再新營房內皆繫看守城門兵  
丁應於每營

簡滿洲蒙古大臣一人管理具奏奉

旨所議將不安本分之兵丁遷入城內則城內之人

轉致染其陋習應令點出之大臣等嚴加訓飭如  
於一年內能悔過自新者準其居住若仍不悛改  
即著發往拉林專管之大臣仍於一年報滿之日  
將應去應留之兵丁據實具奏分別辦理此後若  
再有為匪兵丁即繫大臣不能稽察其咎亦奚辭  
餘依議

一稽察京倉雍正十二年議準在京各倉每倉  
以都統或副都統一人專司稽察三年期滿更

代接任之人未滿三年者遇更代之期亦準更  
代屆期除已經稽察之都統副都統外其餘都  
統副都統由部通行開列具奏恭候

簡用每倉籤掣一人管理

一直年乾隆十六年奉

旨八旗大臣等辦理事件每多遲延雖有直月大臣  
將一應事件彙總承辦然推諉成風惟以草率塞  
責過此一月移交下旗可以完事並無實力辦理

與事無益嗣後八旗大臣不必按旗直月朕特命  
數人一年一次輪流直年著該部將都統副都統  
等職名不論旗分全行進呈朕酌量選用令伊等  
於各旗叅領等官內簡選好者將八旗一應彙辦  
事件令其承辦至年終將一年內已完事幾件未  
完事幾件按款繕摺奏聞其是否實力辦理昭然  
可知著永為例

一署印雍正元年奉

旨八旗事務緊要嗣後都統有奉差者該部奏請署印  
○乾隆七年議準都統奉差在半月以內者令  
本旗副都統署印半月以外者由部奏請委人  
署印如一旗都統副都統皆經奉差雖在半月  
以內仍行奏請署印所有半月內外日期令奉  
差之人於起程前報部○十二年奉

旨前鋒統領護軍統領等遇有出差事故不必奏請  
署印前鋒統領內有一人出差兩翼印務歸一人

兼管護軍統領內有一二人出差所遺印務即著  
在京護軍統領按旗兼署如兩翼前鋒統領皆經  
出差及護軍統領等止剩四五人再奏請署印○  
又議準護軍統領出差於本翼四旗內按旗署  
印○十八年奉

旨嗣後護軍統領內遇有奉差隨圍雖剩四五人亦  
不必奏請署印俟止剩二人時再行請旨

一開闕雍正十三年議準在京八旗大臣有出



征者其員闕開列題請補授俟凱旋之日將該員已經回京及原官已有人補授之處具奏請

旨○乾隆三年議準在京八旗大臣有

命往外省署事者其員闕應否開列補授具奏請

旨○二十二年奉

旨向例各省將軍遇有升遷調補緣事離任者皆以副都統按翼署理如云按翼亦必二人新舊相同方可按翼若新舊相隔甚遠理應較其新舊今年

久之人署理豈有轉今年新之人署事之理乎嗣後各省將軍等遇有升遷調補及緣事離任者其將軍印務即令本城年久副都統署理如接任年分相同無可區別者仍著按翼署理永著為例

一補授王公屬官原定王府長史員闕由該王於所屬前鋒護軍驍騎各叅領佐領散騎郎一二等護衛輕車都尉騎都尉內簡選擬定正陪

咨部引

見補授貝勒司儀長員闕由該貝勒於所屬佐領二  
三等護衛輕車都尉騎都尉及三四品官內簡  
選擬定正陪咨部引

見補授一二三等護衛及四五六七八品典儀員闕  
除佐領輕車都尉以上世爵不準簡選外由該  
王貝勒貝子公等於所屬內按其應升品級簡  
選擬定正陪咨部五品以上者咨部引

見補授六品以下者照咨補授○又定簡選護衛典

儀如一時不得其人準將越銜一等者擬補不得越二等其新封王貝勒貝子公無可擬補護衛典儀之人聲明情由準於無職人內擬定正陪咨部補授○雍正四年具奏散騎郎員闕除佐領不準擬補由該王貝勒等於所屬子爵以下雲騎尉以上簡選擬定正陪咨部引

見補授奉

旨各王屬散騎郎存留貝勒貝子散騎郎著停止嗣後

王屬散騎郎員闕若有選取存留者令指名具奏○  
乾隆七年議準王府長史員闕準將子男與叅  
領等官一并簡選引

見○十八年奏準諸王長史貝勒司儀長繫首領官  
若僅於該王貝勒所屬各官內簡選補授恐人  
數無多必有遷就之弊嗣後諸王長史貝勒司  
儀長員闕於下五旗前鋒護軍驍騎各叅領及  
世爵各官並於各王貝勒所屬應升長史司儀

長之護衛令該都統每旗簡選二人送部會領  
侍衛內大臣該王貝勒簡選擬定正陪仍由部  
會該王貝勒引

見補授

一補用記名官乾隆五年奏準奉

旨記名各官三品者遇外省城守尉總管員闕或由  
部引

見或由該旗引

見照例分別辦理四品以下者該旗察由軍政卓異  
或軍前効力有年按其品級遇應升之闕指名  
奏請補授如記名人內未在軍前効力又無軍  
政卓異遇有應升之闕仍將記名之人擬正軍  
政卓異之人擬陪軍前効力有年之人開列於  
後一并引

見若無軍政卓異之人即將軍前効力有年之人擬  
陪至此項記名之人遇調補升遷後將記名之

處注銷若新任內又經記名於有關應升時仍照從前記名之例辦理○又奏準滿洲蒙古副都統員闕將奉

旨記名者於本翼內開列十人別繕清摺與題本一并進

呈此所開十名內先將卓異及協理事務之前鋒護軍叅領印房協理事務之驍騎叅領一等侍衛冠軍使王府長史等官開列於前如十人之



數不足再於前鋒叅領等官論俸開列以足十人之數引

見恭候

欽定補授漢軍副都統員闕將記名之漢軍叅領亦一并開列外省本翼副都統員闕照此例行如繫八旗公額每翼開列十人其餘公侯伯子男及王府一等護衛等官有因兼副叅領佐領與印房行走引

見記名者祇於隨摺內開列將記名之處注明不必

引

見

一補用卓異官雍正六年奉

旨駐防卓異引見之官如遇應升員闕停其引見該將  
軍等即行奏聞補授○乾隆七年奏準駐防卓異官  
引

見已過三年者遇有應升員闕仍咨送來京引

見

一駐防豫保領催乾隆五年覆準各省駐防滿洲蒙古漢軍領催由該將軍都統副都統等簡選材技優長曾經効力者以本處驍騎校額數為準多者不過四十人少者不過三十人豫保送部引

見恭候

欽定記名發回記名一等者遇驍騎校員闕即行補

用二等者不必論次序將効力好人去得者補用若記名之後有行止改變者咨部注銷俟用完之後再行豫保○六年議準奉天各城驍騎校旗額翼額公額均照各省之例行○十年議準各省駐防前鋒照領催例豫保送部引

見記名以驍騎校用齊齊哈爾黑龍江默爾根城呼蘭四處管莊官五年任滿除通曉文義者該將軍具題豫保送吏部分別補用外若不通曉文

義並不能遷移來京情願候補本處武職者五年任滿該將軍出具考語具題其行走勤慎之人遇驍騎校員闕與記名領催相間輪用尋常人供職者俟記名領催用過三人之後用一人○十七年議準各省駐防恩騎尉準以驍騎校升用各將軍都統副都統等於豫保領催時一同簡選送部引

見記名候補○又議準駐防領催停其豫保遇有驍

騎校員闕由該將軍都統副都統等簡選擬定  
正陪送部交該旗引

見如將擬正之人補授其擬陪之人應否準其記名  
發回題補恭候

欽定○十九年議準福建領催仍行豫保送部引  
見奉

旨記名發回以驍騎校題補倘行止改變咨部注銷  
○又奏準廣州駐防防禦驍騎校各四十人遇

有升遷事故員闕向繫將記名領催委用署理  
俾得學習諳練於旗員有益嗣後仍照舊例豫  
保

一改補乾隆元年議準旗員補授綠旗營闕五  
年俸滿有於營務不甚相宜者該督提咨部轉  
咨該旗仍歸原處行走俟應用之官有闕副將  
以步軍翼尉城守尉協領改補叅將游擊以前  
鋒叅領護軍叅領驍騎叅領改補都司以前鋒

侍衛副叅領步軍協尉佐領及各省防守尉改  
補守備以步軍尉五品防禦改補其由副將改  
補步軍翼尉各官者仍照從二品頂帶食俸遇  
應升之官一同開列○七年議準文職改補旗  
員者給事中御史郎中道知府以副叅領佐領  
城門領改補同知知州以步軍尉司信礮官改  
補主事通判知縣以驍騎校改補小京官司府  
首領官州縣佐貳筆帖式以城門吏改補都統



等量才器使或令隨印辦事或令在旗行走試用一年果能黽勉遇應補之官擬定正陪引

見補授

一降補原定王公府屬各官有因王公薨故或王公緣事解任者如曾遇

恩詔受封交旗酌量補用○康熙十二年議準因王公緣事革去之府屬各官曾遇

恩詔受封者交該旗降等與應補之人簡選擬補該

員前任所得加級全行注銷未遇

恩詔受封者毋庸議○乾隆五年奏準一品之領侍衛內大臣內大臣都統將軍降一級調用者以內外副都統擬補降二級調用者繫滿洲以

陵寢總管步軍翼尉城守尉協領前鋒護軍驍騎各叅領擬補繫蒙古以游牧總管副管協領前鋒護軍驍騎各叅領擬補繫漢軍以在京叅領在外協領擬補降三級調用者繫滿洲以

陵寢翼領信礮總管前鋒侍衛副護軍副驍騎各叅領  
佐領步軍協尉城門領防守尉擬補繫蒙古以  
前鋒侍衛副護軍副驍騎各叅領佐領步軍協  
尉城門領擬補繫漢軍以在京副叅領佐領步  
軍協尉城門領在外叅領擬補降四級調用者  
繫滿洲漢軍以司信礮官步軍副尉外省防禦  
擬補繫蒙古以步軍副尉外省防禦擬補其二  
品之前鋒護軍步軍各統領副都統鑾儀使散

秩大臣降一級二級三級調用者與一品官降  
二級三級四級調用之例同以上遇有員闕察  
明降調應用之人繫開列具題者聲明降調情  
由列名於應升各官之後繫引

見補授者聲明降調情由列名於各官應升之後均  
候

欽定至一品官降五級調用二品降四級調用者不  
補前鋒校護軍校等官除該員原有世爵者令

以世爵在旗行走外其無世爵者帶所降之級  
隨旗行走三年無過該都統等出具考語引

見請

旨將降五級之一品官照降四級例擬補降四級之  
二品官照降三級例擬補若降級數多至無官  
可補者停其補用○又奏準在京三品官降一  
級調用者以四品官擬補降二級調用者以五  
品官擬補降三級調用者以六品官擬補其四

品官降一級二級調用者與三品官降二級三級調用之例同五品官降一級調用者與四品降二級調用之例同統竢遇有員闕由該衙門察明降調應用之人聲明降調情由列名於應升各官之後一并引

見恭候

欽定至三品官降至四級以下四品官降至三級以下五品官降至二級以下無官可補者停其補

用○又奏準各駐防三品以下官降級調用者均以本處駐防之官按品擬補此等降調之人遇有員闕該將軍都統副都統於咨送應升各官引

見時將該員降調情由聲明一并咨送該旗列名於應升各官之後引

見其降調應用驍騎校者接到部文之日送部引

見發回遇有驍騎校員闕酌量題補至總管城守尉

防守尉及所屬官降級調用者均令回旗該  
旗出有各處總管城守尉防守尉所屬員闕由  
該旗都統副都統等按其所降之級與應用之  
官相符聲明降調情由列名於應升各官之後  
一并引

見以上各官若降級數多至無官可補者停其補用  
○又議準王公府屬長史司儀長典儀各官降  
級調用者典儀有四品至八品不同由該王公



按所降之級咨部擬補長史司儀長降級調用者由該王公以護衛之闕按品遞降咨部擬補如降至無官可補者革職一等護衛降一級調用者授為二等護衛二等護衛降一級調用者授為三等護衛三等護衛降一級調用者無官可補革職○六年議準三品降四級四品降三級五品降二級調用者以城門吏擬補○又議準一等侍衛降一級調用者授為二等侍衛二

等侍衛降一級調用者授為三等侍衛三等侍衛降一級調用者革職○七年議準三等侍衛以下尚有四等侍衛藍翎侍衛未便因降一級調用即議革職嗣後三等侍衛降一級調用者授為四等侍衛四等侍衛降一級調用者授為藍翎侍衛藍翎侍衛降一級調用者革職○又議準鑾儀衛官降級調用者以冠軍使雲麾使治儀正整儀尉按品遞降遇應補之官由該衛

聲明降調情由列名於應升各官之後引

見

一駐防官入

覲雍正四年

諭盛京等處將軍副都統等每年令輪班陸見各省駐防將軍副都統亦應來京陸見其作何輪班之處兵部議奏欽此遵

旨議準右衛寧夏江寧京口荊州廣州等處各有將軍

一人副都統二人初次令將軍來京二次三次  
令副都統各一人來京西安杭州二處各有將  
軍一人副都統四人初次令將軍來京二次三  
次令副都統各二人來京歸化城有都統二人  
副都統四人初次二次令都統副都統各一人  
來京三次令副都統二人來京福州有將軍一  
人副都統一人初次令將軍來京二次令副都  
統來京均依次輪班周而復始每年定於十二

月在京將軍印務酌交副都統署理內有新任

及因公

陛見回任未久者即暫停來京竢未經

陛見之人輪班已周再行來京四川成都止有副都

統一人令其三年來京一次印務交巡撫署理

天津距京甚近每年令於封印後來京○五年

奉

旨嗣後各省副都統陛見各按原定班次來京如將軍

輪當陞見豫為具題候旨遵行○十三年覆準各省  
駐防協領於每年停操之後該將軍等秉公考  
察給咨赴部由部覈驗引

見恭候

欽定記名遇有開列升用之處將記名之人別列名  
單附疏以進○乾隆八年覆準駐防協領引

見後尚未升用者不必復行送部若新授協領缺任  
滿三年送部引

見○又議準福州增設副都統一人涼州設將軍一人副都統一人莊浪設副都統一人青州設將軍一人副都統一人熱河設副都統一人右衛將軍移駐綏遠城復增設副都統一人天津增設副都統一人山海關設副都統一人應令輪班

陸見嗣後福州初次令將軍來京二次三次副都統一人來京青州初次令將軍來京二次令副

都統來京綏遠城右衛初次令將軍來京二次  
令綏遠城副都統來京三次令右衛副都統來  
京涼州初次令將軍來京二次令涼州副都統  
來京三次令莊浪副都統來京天津初次令都  
統來京二次令副都統來京熱河山海關副都  
統均間一年來京其各省將軍都統副都統來  
京時均將起程日期豫期報部熱河山海關副  
都統來京時印務交協領署理○十四年議準



歸化城副都統見裁二人

陛見之期應行更定嗣後該處都統副都統分為二  
次輪班來京○又覆準黑龍江總管城守尉叅  
領均照協領之例送部引

見○十六年奉

旨各省駐防協領等例應三年一次輪班來京引見  
所以察其優劣酌量記名升用以示激勸之意其  
城守尉總管等定例時並未議及伊等皆防守城

池督率官兵之大員所關更為緊要即如朕巡幸所至之處留心察看其優者升用示勸劣者降斥示懲若巡幸未至之處賢否既未周知其中庸劣之人得以姑容曠廢不但於公事無益即有才優之人亦因不得顯其所長以至阻抑上進之心於一應事務未免草率辦理嗣後各省駐防城守尉總管等亦照協領之例輪班引見其如何分定年限之處該部定議具奏欽此遵

古議準

盛京所屬之開原

興京金州鳳凰城岫巖遼陽復州義州青州所屬  
之德州天津所屬之滄州及開封太原鄭家莊  
保定等處城守尉八旗游牧察哈爾總管副管  
叅領吉林叅領皆三品大員應照協領之例三  
年任滿由該管官出具考語送部引

見其無大員統轄者於任滿之日報部調取引

見至

陵寢總管有按時上香行禮等事與駐防官不同毋庸

輪班引

見○二十二年定京口鎮海標營奉

旨令江寧將軍兼管嗣後將軍照例閱二年一次來

京

陛見其江寧副都統二人京口副都統二人照西安

及綏遠城右衛例每年各令副都統一人輪班

陸見

一八旗官守制乾隆二年奏準八旗都統前鋒  
護軍步軍各統領遇有親喪所管印務由部奏  
請署理副都統遇有親喪該旗同辦事之副都  
統又有事故亦奏委署理其餘有職任各官均  
由該旗委官署理報部駐防將軍都統副都統  
遇有親喪或回京治喪或扶柩歸葬如將軍都  
統來京印務交本處副都統署理副都統代為

具題副都統來京將軍都統代為具題若副都  
統不與將軍同城者該將軍仍委人署理均一  
面具題一面回京其本無將軍統轄之副都統  
遇有親喪將印務委官護理報部由部奏請署  
理缺署理之人前往交代後起程回京○又奏  
準八旗武職遇有親喪咨部注册百日後入署  
辦事照常支俸朝會祭祀均免執事二十七月  
內除奉

特旨升轉外其餘論俸推升之處概行停止服闋時  
準其接算前俸○又奏準八旗駐防旗員父母  
在京病故呈請給假者該管官委官署理報部  
即令回京其無大員統轄之城守尉等官父母  
在京病故將印務委官署理報部回京治喪凡  
回旗治喪各官除往返日期外均給假百日假  
滿呈明該都統等報部銷假仍回原任其扶柩  
歸葬者亦照治喪之例給假○又奏準京外旗

員如遇父母祖父母及所後父母祖父母在任  
故者以故日為始居喪百日在他處故者以聞  
訃日為始奉差出征者以回日為始皆居喪百  
日其父母及所後父母並為祖父母承重者仍  
私居持服盡三年喪禮如親伯叔父母親兄弟  
並妻及娶妻之子故者居家兩月親伯叔祖親  
嫂親伯叔之子及娶妻之孫故者居家一月親  
伯叔祖母親弟婦親伯叔子之妻故者送殯後



過七日令其行走宗族故者送殯後即令行走  
凡居喪持服各官皆呈報該旗都統及該管官  
準假再在京官有朝會會射等事該旗將準假  
情由報部並報吏部○又奏準旗員居喪遇有  
應襲佐領世爵者均於百日後引

見○三年覆準親軍校前鋒校護軍校驍騎校雖屬  
六品尚與兵丁無異嗣後兵丁等有親喪者遇  
前鋒校等官仍準於百日後簡選拔補○六年

諭獨石口所屬之千家店防禦員闕該副都統奏稱  
獨石口驍騎校二人皆未滿服制而千家店驍騎  
校一人又有別項事故請令該旗簡選補授等語  
朕思外省駐防官員升闕甚少若因服制未滿行  
文在京簡選補授則該處應升之人未免壅滯著  
將千家店防禦員闕仍交該副都統簡選將所擬  
之人服制未滿緣由行文該旗轉奏令其暫行署  
理俟服滿之日咨送該旗引見實授嗣後各邊口

駐防員闕皆照此辦理欽此○九年奏準八旗應升五品以上官因服制未滿暫請署理者雖避升轉之名已得應升之任與停升之例不符嗣後五品以上官服制未滿不準署理應升之闕○十一年奏準護軍遇城門吏員闕雖有親喪準其拔補如已補城門吏之後服尚未滿仍停其升轉○十七年議準旗員遇有親喪二十七月內停其升轉此專指在京旗員而言嗣後察

哈爾八旗各官內除由京補授者仍照例丁憂  
二十七月外其本處蒙古官遇有親喪二十七  
月之內不停升轉○十八年奉


旨旗人補用八旗武職非文員外任可比嗣後旗員  
丁艱除文職及綠旗武職仍於二十七月內停其  
升轉外其在京武職及外省駐防

陵寢各官於丁艱二十七月以內遇應升員闕仍準其  
照例列名請旨補授毋庸停其升轉

一終養乾隆元年奏準駐防官遇有父母祖父  
母年登耄耋疾病纏綿路遠不能迎養家無次  
丁奉侍者許將情由呈報該管官出具印甘各  
結報部準其終養倘有規避假捏者革職出結  
官降二級調用不詳察之該管上司罰俸一年  
○又奏準八旗各官奉

旨記名及軍政卓異並年久應升遇有父母祖父母  
年登耄耋疾病纏綿家無次丁奉侍者許將情

由呈報該管官出具印甘各結轉報該旗都統  
等奏明交部注冊停升外任京官仍開列如有  
規避假捏者該員及出結並該管官皆照駐防  
官呈請終養不實例議處



欽定大清會典則例卷一百三